



ԸՆԴՈՒՆԵԼՈՒԹՅՈՒՆՆԵՐ ՎԵՀԱՐԱՆՈՒՄ

Ամենայն Հայոց Կաթողիկոսն ընդունեց



Հուլիսի 18-ին

Վրաստանի կրոնի հարցերով պետական գործակալության նախագահին

Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսն ընդունեց Վրաստանի կրոնի հարցերով պետական գործակալության նախագահ Ջազա Վաշակմաձեին՝ ուղեկցությամբ ՀՀ կառավարության աշխատակազմի ազգային փոքրամասնությունների եւ կրոնի հարցերի բաժնի պետ Վարդան Ասցատյանի:

Հանդիպմանը ներկա էին Մայր Աթոռի արտաքին հարաբերությունների եւ արարողակարգի բաժնի տնօրեն Տ. Նաթան արք. Հովհաննիսյանը եւ ՀՀ-ում Վրաստանի արտակարգ եւ լիազոր դեսպան Գիորգի Շարվաշիձեն:

Նորին Սրբությունը կարեւորեց երկու երկրների միջեւ նման փոխադասարան, որոնք նպաստում են հայ-վրացական բարեկամական կապերի առավել ամրապնդմանն ու զարգացմանը: Վեհափառ Հայրապետն իր գնահատանքը փոխանցեց վրաց իշխանություններին՝ տիրող դժվարին իրավիճակում Հայաստանին ցուցաբերվող զորակցության, ինչպես նաեւ Ադրբեջանում պահվող հայ

ռազմագերիների վերադարձման նպատակով միջնորդական ջանքերի համար:

Իր հերթին Վրաստանի կրոնի հարցերով պետական գործակալության նախագահն Ամենայն Հայոց Հայրապետին մանրամասն տեղեկություններ փոխանցեց երկրում առկա կրոնական խճապատկերի եւ կրոնական կազմակերպությունների ու ավանդական եկեղեցիների նկատմամբ տարվող պետական քաղաքականության մասին: Իր խոսքում տիրա Ջազա Վաշակմաձեն նաեւ անդրադարձավ Վիրահայոց թեմի հետ ձեռավորված գործակցությանը:

Զրույցի ընթացքում արծարծվեցին Վրաստանում հոգեւոր ժառանգության պահպանմանը, Հայոց եւ Վրաց եկեղեցիների փոխհարաբերություններին եւ հայ-վրացական կապերի հետագա ամրապնդմանն առնչվող հարցեր:

Ամենայն Հայոց Կաթողիկոսը նաեւ իր եղբայրական ողջույնն ու բարեմաղթանքները փոխանցեց Համայն Վրաստանի Իլիա Բ Կաթողիկոս-Պատրիարքին:

Երիտասարդ առաջնորդների հակակոռուպցիոն դպրոցի սաներին

Ամենայն Հայոց Կաթողիկոսն ընդունեց Իրավաբանների հայկական ասոցիացիայի Երիտասարդ առաջնորդների հակակոռուպցիոն դպրոցի շուրջ 20 ունկնդրի՝ ուղեկցությամբ Իրավաբանների հայկական ասոցիացիայի նախագահ եւ դպրոցի հիմնադիր Կարեն Զաղոյանի:

Հանդիպմանն Իրավաբանների հայկական ասոցիացիայի նախագահը Նորին Սրբությանը տեղեկություններ փոխանցեց դպրոցի գործունեության վերաբերյալ՝ կարեւորելով նաեւ սաների հաղորդակցությունը հայկական հոգեւոր, մշակութային ժառանգությանը, Հայոց եկեղեցու առաքելությանն ու գործունեությանը:

Ամենայն Հայոց Հայրապետը, իր օրհնությունը բերելով Երիտասարդներին, ընդգծեց, որ մարդուն մեղավոր եւ սխալ ընթացքից զերծ պահելու համար կարեւոր է նրան կրթել ու դաստիարակել ազգային ավանդ-

ներով, հոգեւոր, բարոյական արժեքներով ինչպես ընտանիքում, այնպես եւ դպրոցում եւ ուսումնական-կրթական հաստատություններում: Նորին Սրբությունն այս առնչությամբ հորդորեց դպրոցի սաներին առաջնորդվել սիրո, բարու, արդարության սկզբունքներով՝ օրինակ դառնալով երիտասարդների համար, լինել հայրենասեր եւ հետեւողական ջանքեր գործադրելի նպաստ հայրենիքի զորացման ու շենացման:

Վերջում Ամենայն Հայոց Կաթողիկոսը պատասխանեց դպրոցի սաների հարցերին, որոնք վերաբերում էին Արցախի եւ Հայաստանի անվտանգային խնդիրներին, հայ ժողովրդի ու եկեղեցու առջեւ ծառացած մարտահրավերների հաղթահարման ուղիներին:

Լրատվական նյութերը՝ Մայր Աթոռ Սուրբ Էջմիածնի տեղեկատվական համակարգի



Հայ եկեղեցին եւ արեւելահայ դպրոցը

ԺԹ դարի երկրորդ կեսին

Սկիզբը՝ 2022-ի թիվ 23, 2023-ի թիվ 2—3, 13

Յարական իշխանությունները, ԺԹ դարի 60-ական թվականներից սկսյալ, հայկական դպրոցների դեմ ուղղված առավել բացահայտ եւ հետեւողական քաղաքականություն են ծավալում, ինչը միտված էր հայոց կրթօջախների ինքնուրույնությունը վերացնելուն: Համաձայն «Պոլոժենիեի» 114-րդ հոդվածի պահանջների՝ ոչ միայն ռուսաց լեզվի, այլ նաեւ ռուսաց լեզվով Ռուսաստանի պատմության եւ աշխարհագրության ավանդույնը պարտադրված էր հայկական դպրոցներում: Այս քաղաքականությունն էր


իրականացվում նաեւ հայկական ծխական դպրոցների նկատմամբ: Թեմական դպրոցները պահվում էին հիմնականում թեմերում գործող եկեղեցիների եկամուտների հաշվին: Նոր Նախիջեւանի թեմական դպրոցի պահպանման համար Մակար արքեպիսկոպոսը (հետագայում՝ Մակար Ա Թեղուտցի) սահմանում է թեմի 38 եկեղեցիներից ու վանքերից յուրաքանչյուրի տարեկան վճարելիք գումարի չափը:

Թեմական դպրոցների հասարակական կշիռն աճում է 1870—1880 թթ., երբ ավելանում են դասավանդվող առարկաները, իսկ ուսուցումը դառնում է հայերեն: Թեմա-

կան դպրոցները միջնակարգ ուսումնական հաստատություններ էին, որոնք հաճախ էին առել հայոց թեմերի եկեղեցիների համար կրթել ու «կերտել» հոգեւոր սպասավորներ: Ժամանակի ընթացքում, սակայն, հասարակական մտքի թելադրանքով դրանք հեռանում են իրենց նախնական նպատակից եւ որդեգրում աշխարհիկ պահանջների իրականացման գործընթացը՝ հայկական ծխական դպրոցների ուսուցիչների եւ հայ մշակույթի ու հասարակական մտքի զարգացման համար մտավորականների պատրաստումը:

Արցախում՝ Շուշիում, գործող թեմա-

կան հոգեւոր դպրոցի պատմությունը սկզբնավորվում է դեռեւս 1836 թ. «Պոլոժենիեից»: Այս դպրոցի առաջին տարիների գործունեության մասին մեր ունեցած տեղեկությունները սահմանափակ են: Երբ կարողում ենք դպրոցի պատմությունը, տեսնում ենք, որ այն հիմնադրվել է 1838 թ. հունիսի 22-ին: Շուշիում գործող հայոց հոգեւոր դպրոցն ունեցել է 6 դասարան՝ «Շուշուայ հոգեւոր դպրոցը կազմուած է 6 դասատուից...», իսկ ուսման տեւողությունը եղել է 9 տարի (Լէօ, Պատմութիւն Ղարաբաղի հայոց թեմական հոգեւոր դպրոցի (1838—1913), հտ. Բ, Թիֆլիս, 1914, էջ 189): ➔ էջ 2



Անիրավ տնտեսի առակը

Սկիզբը՝ թիվ 6—8, 13

Անիրավ տնտեսի առակի որոշ դժվար ընկալելի հատվածներ հիրավի մեկնաբանման կարիք ունեն։ Եթե տնտեսը պետք է օրինակելի համարվեր ոչ միայն իր հնարամտությամբ, այլ նաեւ իր գործողություններով, ապա ինչո՞ւ է նա «անիրավ տնտես» (tes adikias) կոչվում։ «Եվ տեղը գովեց անիրավ տնտեսին, որովհետեւ հնարամտությամբ գործեց...» (Ղուկ. ԺԶ 8)։ Նախ՝ անհրաժեշտ է կապ տեսնել անիրավ տնտեսի եւ անիրավ դատավորի միջեւ։ Դատավորը ներկայացվում է որպես անիրավ մարդ, որը, այնուամենայնիվ, ճշման ներքո կայացնում է արդար դատավճիռ։ Հետեւաբար «անիրավ» բառը ոչ թե նպատակ ունի երկու առակներն ավարտին հասցնելու,

այլ հենց սկզբից ընդգծելու դատավորի եւ տնտեսի բնավորությունների ընդհանրությունը կամ ավելի ճիշտ՝ նրանց կերպարների ընկալման ընդհանրությունը։ Սա իսկապես այն հատվածն է, որտեղ կարելի է հեզմանք նկատել։ Անիրավ տնտեսը, Ղուկասի ավետարանի ԺԵ գլխում նկարագրված մաքսավորների նման, ստվերային գործարքի մեջ է ներքաշվում, ինչին դեմ էին փարիսեցիները։ Մա ծառայում է անիրավ մամոնային։ Որքան էլ զարմանալի է, նման անձնավորությունն այնուամենայնիվ կարող էր ճիշտ վարվել եւ նույնիսկ դառնալ օրինակելի։ Հենց այսպիսի հեզմանք է նկատվում Հիսուսի խոսքերում։ «Ես չեմ եկել արդարներին կանչելու, այլ մեղավորներին՝ ապաշխարության» (Ղուկ. Ե 32)։ հեզմանք առ

այն, թե ինչպես են որոշ խմբեր (փարիսեցիներ) իրենց նույնացնում արդարների, մյուսներին՝ անարդարների հետ։ Այսպիսով՝ աշակերտներին հորդորվում է իբրեւ օրինակ ունենալ «այս աշխարհի որդիներին», այլ ոչ թե «լուսի որդիներին» (տես Ղուկ. ԺԶ 8)։ «Լուսի որդիներ»-ը, ինչպես իրենց հորջորջում էին Կումրանի աղանդավորները, եւ «ազգերի լուս»-ը, ինչպես իրենց անվանում էին փարիսեցիները (տես Ես. ԽԲ 6), վստահելի չէին։ Այդ իսկ պատճառով Հիսուս իմաստությամբ եւ հնազանդության օրինակներ էր բերում նրանց շարքերից, որոնց արհամարիում էին, այսպես կոչված, «լուսի որդիները»։ «Ընկերներ ձեռք բերել անազնիվ ճանապարհով՝ հարստության օգնությամբ, որպեսզի երբ մյուսական միջոցներն սպառվեն, ընկերները թեզ ընդունեն իրենց հարկերի ներքո»։ Ժամանակակից ընթերցողն սկսում է տարակուսել այս հակասական մտքի շուրջ՝ արդյո՞ք կարելի է գումարի կամ ունեցվածքի համար ընկերներ ձեռք բերել... Սակայն այս աշխարհն անարդար է, ուստի անհրաժեշտ է այսաշխարհային անիրավ հարստությունն օգտագործել հնարավորին չափ ճիշտ։ Բռնավեցողության (1221—1274 թթ.)՝ ֆրանցիսկյան փիլիսոփա, մանկավարժ եւ միջնադարյան մեկնիչ, անիրավ տնտեսի հնարամտության մեջ եւ գործողություններում դրական դրդապատճառ էր նկատում։ Ըստ նրա՝ տնտեսի գործողությունները միտված էին ընկերներ ձեռք բերելուն եւ ոչ թե իր համար ամեն կերպ գումար վաստակելուն։ Ղուկասի ավետարանի ԺԲ գլխի 42—46-ի «հավատարիմ եւ իմաստուն» տնտեսի նման մա օգուտ էր բերում։ Գումարը, իհարկե, մի օր կսպառվեր. այն «կփչանար»

(ի տարբերություն Ղուկ. ԺԲ 33-ի «գանձի, որը չի կորչում»)։ Կատարված գործարքը եւս կմոռացվեր. բարեկամներ ձեռք բերելը տնտեսի համար առավել կարեւոր էր։ Տնտեսն իրապես օրինակ է մի մարդու, որը «շատ քիչ» բանում էր «հավատարիմ» եղել... Սակայն մա իր հնարամտությամբ գտնում է ոչ միայն սեփական խնդիրներից փախչելու, այլ նաեւ Աստծու ուխտին հավատարիմ մնալու միջոցը, քանի որ արդարություն է գործադրում աղքատների հանդեպ։ Անիրավ տնտեսն իր կերպարով հակադրվում է փարիսեցիներին, որոնք անտեսում եւ չէին հետեւում աստվածային պատվիրանին, այն է՝ չէին իրագործում Աստծու արդարությունն ու սերը։ Անհրաժեշտ է մշել նաեւ, որ տնտեսը չէր փորձում ծառայել Աստծուն եւ մանոնային միաժամանակ. իրականում մա չէր ստանում անձնական որեւէ շահույթ։ Իր գործողություններով մա միայն վերականգնում է իր պաշտոնը՝ գոյատևման աղբյուրը, եւ մա այդ ամենն անում է հնարամտությամբ՝ Աստծուն վեր դասելով իր մեծահարուստ տիրոջից։ Ինչպես «Ամմիտ մեծահարուստի» առակը, այս առակը եւս բովանդակում է բարոյական թաքնված մարտահրավերներ, քանի որ պարտքերի մարումն ու տոկոսադրույքների չեղարկումը ոչ միայն արդարացի են, այլեւ բացում են նոր հնարավորություններ։ Նույնիսկ մեծահարուստ տերը կարող է մեղմել իր զայրույթը եւ փոխել իր դիրքորոշումը, ուստի այս առակն ուղերձ է նաեւ նման մարդկանց։ «Անիրավ տնտեսի» առակի կերպարներն իմաստության եւ արդարության հետաքրքիր օրինակներ են։

ԱՐՄԱ ԶՈՎՍԵՓՅԱՆ

Հայ եկեղեցին եւ արեւելահայ դպրոցը...

← էջ 1

Մեզ հասած սակավ տեղեկություններն արդ արդ է դառնում, որ 1840 թ. դպրոցում դասավանդվել են Սրբազան պատմություն, Օրենք աստվածային, հայոց լեզվի քերականություն, ռուսերենի քերականություն եւ ընթերցանություն, երգեցողություն, թվաբանություն ու պարսկերեն։ Դպրոցը հիմնադրումից ի վեր գործել է նյութական կարիքի պայմաններում, իսկ 1843 թ. դպրոցի պարտքը մեծ գումար է կազմում՝ 3000 ռուբլի, այդ թվում նաեւ՝ ուսումնական շենքի վարձավճարը՝ 400 ռուբլի։ 1844 թ. ուսուցիչները հրաժարվում են այլեւս անվճար աշխատելուց, այդ իսկ պատճառով դպրոցն այդ տարվա մարտի 1-ից փակվում է։ Մեկ տարի անց՝ 1845 թ. հուլիսի 17-ին, այն վերաբացվում է։ Դպրոցը, որոշ հանգամանքների բերումով, կրկին փակվում է 1852 թ. Ներսես Ե Աշտարակեցու կարգադրությամբ (1843—1857 թթ.)։ Այն դարձյալ վերաբացվում է երեք տարի անց՝ 1855 թ.՝ ունենալով միայն 4 նախապատրաստական դասարան եւ 86 աշակերտ։ 1860 թ. ապրիլի 12-ին Ս. Էջմիածնի Սինողը հաստատում է թեմական դպրոցների կանոնադրությունը։ Նոր կանոնադրության համաձայն՝ դպրոցի եկամուտներն առավել շատ պետք է լինեին։ Թեմի եկեղեցիների ծախսերը հոգալուց հետո մնացյալ ողջ գումարը փոխանցվում էր թեմական դպրոցին, ըստ այդմ՝ 1861 թ. դպրոցական եկամուտը 10 600 ռուբլի է կազմում։ 1860—1863 թթ. դպրոցը երեք տեսուչ է ունենում՝ Հ. Մելքոնյան, Ն. Աթաբեկյան եւ Գ. Աղափիրյան։ 1863 թ. հոկտեմբերի 1-ին հոգաբարձուներ Համբարձում Հախումյանի եւ Հարություն Հիսյանի միջնորդությամբ Պ. Շանշյանը մշակվում է Հուշիի թեմական դպրոցի տեսուչ։ Պ. Շանշյանի տեսչության ժամանակ նախկինում հոգեւոր ճեմարան, ապա սեմինարիա եւ հոգեւոր դպրոց կոչվող հաստատությունը հայտնի է դառնում նաեւ «Եղիշյան ազգային հոգեւոր դպրոց» անվամբ՝ ի պատիվ Եղիշե պատմիչի։ Այս ընթացքում դպրոցը մեծ առաջընթաց է ունենում, կանոնակարգվում են ուսումնական ծրագրերը, դասաժամերի քանակը, դասավանդվելիք առարկաները եւ այլն։ 1864 թ. Հուշիում անհամաձայնություններ են առաջանում Պ. Շանշյանի եւ թեմա-

կան առաջնորդական տեղապահ Գեորգ վրդ. Արակյանի միջեւ։ Արդյունքում Պ. Շանշյանը թողնում է տեսչի պաշտոնը եւ հեռանում Թիֆլիս։ Լեոն Պ. Շանշյանի գործունեության մասին վկայում է. «Ընդամենը մի տարի տեսչե Շանշեանի պաշտօնավարութիւնը Հուշիում, բայց նրա գործունեութիւնը, նրա անձնատրուքիւնը, նրա պաշտպանած դատը եւ նրա պայծառ գաղափարները ստեղծեցին նրա համար ամուսի մի հմայք, իսկ դպրոցի այդ կարճ ժամանակամիջոցը դարձաւ մինչեւ այսօր էլ ժողովրդի մէջ ապրող նովորական հասկացողութիւն, սրբազան աւանդութիւն, որի մէջ հերոսացած է մեր վերածնութեան ժամանակների «լաւ» մարդը» (Լէօ, Պատմութիւն Ղարաբաղի հայոց թեմական հոգեւոր դպրոցի (1838—1913 թթ.), էջ 347)։ Պ. Շանշյանի հեռանալուց հետո դպրոցն ուսումնական հարցերում մահանշում է։ 1865 թ. թեմական դպրոցի տեսուչ է նշանակվում Մուսկվայի համալսարանի շրջանավարտ Ս. Հախումյանը, փոխվում է հոգաբարձուների կազմը, սակայն դպրոցի վիճակը չի բարելավվում։ 1875 թ. առաջնորդական փոխանորդի եւ կոնսիստորիայի նախանշանի պաշտոնով Արցախի գալիս Գեորգ վրդ. Սուրենյանցը եւ ստանձնում դպրոցի տեսչի եւ ավագ ուսուցչի պարտականությունները։ Մա աշխատում է մինչեւ 1876 թ. հուլիսը։ Գեորգ վրդ. Սուրենյանցին հնարավորություն է տրվում իրագործելու մտահղացումները։ Վերջինիս ջանքերով բացվում են երկու՝ արական ծխական եւ Հռիփսիմյան դպրոցները։ Ս. Խուրդյանը մշտն է, որ իզական միջնակարգ Հռիփսիմյան դպրոցը 1877 թ. ունեցել է 4 ուսուցիչ եւ 70 աշակերտուհի, իսկ 1881-ին վերջիններիս թիվը հասնում էր 120-ի (Ս. Խուրդյան, Արեւելահայ դպրոցները 1830—1920 թթ., Երեւան, 1987, էջ 378)։ Զգալի փոփոխություններ են իրականացվում, որոնք նախանշում են թեմական դպրոցի զարգացման հետագա ընթացքը։ Դպրոցի նոր տեսուչ է նշանակվում Վ. Պապաջանյանը, Թիֆլիսից իրավիրվում են ուսուցիչներ Ա. Թոխմախյանը, Հ. Լալայանցը եւ Գ. Պապյանը։ Ժամանակի առաջադեմ հոգեւորականներից Արիստակես վրդ. Սեդրակյանն առաջարկում է, որ բոլոր առարկաները դասավանդվեն հայերեն։ Վ. Պապաջանյանը, սակայն, չի համա-



ձայնում վերջինիս հետ եւ ստիպված 1878 թ. հեռանում է։ 1879 թ. դպրոցի տեսուչ է նշանակվում Սանկտ Պետերբուրգի զինվորական ակադեմիայի շրջանավարտ Բախշիբեկ Աղասարյանը, որը երեք տարի անվճար աշխատելու պայմանով գալիս է Հուշի։ Բ. Աղասարյանն ընդգծված եռանդով է անցնում աշխատանքի. նրա տեսչության շրջանում Ս. Սանասարյանը դպրոցի ֆիզիկայի դասաւեճակի համար անհրաժեշտ սարքեր է նվիրում։ Սկզբնավորվում է բնական գիտությունների զարգացումը։ Նմանօրինակ մի շարք նորամուծություններից հետո թեմական դպրոցում աշակերտների թիվը հասնում է 334-ի, իսկ Հռիփսիմյան դպրոցում՝ 113-ի։ Կանոնադրության համաձայն՝ դպրոցը բաժանվում է երեք մասի՝ «նախապատրաստական, դպրոց ու հոգեւորական մաս»։ Նախապատրաստական մասը կազմում էին Հուշիի եւ Ղարաբաղի թեմի բոլոր ծխական ուսումնարանները, որոնք կազմված էին երկու դասարանից։ Թեմի ծխական ուսումնարանները ենթարկվում էին հոգեւոր տեսչությանը. կանոնադրությամբ մեջ այս առնչությամբ գրված է. «....գլխավոր տեսչութիւնն ուսումնական մասի կողմանէ ամէն մասնաւոր ուսումնարաններու վրայ ունի Հուշտոյ հոգեւոր դպրոցի տեսուչը...»։ «Դպրոց» մասն ամփոփում էր ավանդվող առարկաների ցանկը։ Ուսումնական ժողովը, որոշակի հանգամանքներից ելնելով, իրավունք ուներ դասավանդվող առար-

կաները փոփոխելու։ Նաեւ մշվում է, որ ուսուցումը պետք է իրականացվի հայերեն՝ «....հայ լեզուով հանդերձ թարգմանութեամբ...» (Լէօ, մշվ. աշխ., էջ 257)։ Ա, Բ, Գ դասարաններն անվանվում էին ստորին, իսկ Դ-ն, Ե-ն, Զ-ն՝ վերին։ Դպրոցը գործունեության սկզբնական շրջանում 6 դասատուն չի ունենում. դրանք առաջանում են ժամանակի ընթացքում՝ աշակերտների թվի աճի պայմաններում։ Ըստ այդմ՝ 1860 թ. ունեցել է 1 նախապատրաստական եւ 2 հիմնական, 1888-ին՝ 3 նախապատրաստական եւ 4 հիմնական դասարան։ Իսկ եւ 2 դասարանների մասին մշվում է. «....1889-ին բացվել է 5-րդ, հաջորդ տարին՝ 6-րդ դասարանը...» («Հայկական սովետական հանրագիտարան», հտ. 8, էջ 601)։ Երրորդ՝ «հոգեւորական մասի» առնչությամբ գրված է. «Այս երրորդ մասն չէ մէկ առանձին ուսումնարան, այլ սրան կազմում են դպրոցի այն աշակերտները, որոնք որ դպրոցի մէջ ուսումն ավարտելուց յետոյ կայտնեն յոժարութիւն հոգեւորական կոչումն ստանալու» (Լէօ, մշվ. աշխ., էջ 258)։ Հուշիում գործող հոգեւոր դպրոցի նպատակը Հայ Առաքելական Սուրբ Եկեղեցու համար արժանավոր հոգեւորականներ, իսկ հայ հասարակության համար լուսավորյալ անհատներ կրթելն ու դաստիարակելն էր։

Շարունակելի

Չաքարա սրկ. ԹԱԴԵՎՈՍՅԱՆ
ԱՐՄԱ ԶՈՎՍԵՓՅԱՆ

ՅԱԿՈԲ ՊԱՏՐԻԱՐԺ ՆԱԼԵԱՆ ՔՐԻՍՏՈՆԷԱԿԱՆ ՈՒՍԱՆԵԼԻ

Սկիզբը՝ թիվ 9–13

Հաւատքի աստիճաններուն մեկնութիւնը

Ը

Ուրեքորդ աստիճանն այս է. *այնտեղէն պիտի գայ դատելու համար ողջներն ու մեռելները*. ասիկա Մատթէոս անտարանիչն ըսաւ:

Այս մէկը մեզի կ'ուսուցանէ Քրիստոս Աստուծոյ ահարկութիւնը: Տեսնուի միտքիդ մէջ պահէ, թէ Քրիստոս առաջին անգամ երբ եկաւ խաչին վրայ մեզի համար մեռնելու՝ Աստուծոյ Գառնուկ՝ մեղքերը վերցնող կոչուեցաւ, ինչպէս Յովհաննէս Մկրտիչն ըսաւ: Սակայն երկրորդ գալուստի ժամանակ առիծն ու ասլան պիտի կոչուի, ինչպէս կ'ըսէ Միքիա մարգարէն, թէ՛ առիծը պիտի գոչէ, եւ ի՞նչ արդեօք պիտի չսարսի:

Տակաւին՝ այս առիծը՝ Քրիստոս, դատաստանին օրը երկուքի պիտի պատռէ մարդկութիւնը. չարերն ու բարիներն իրարմէ պիտի գատէ: Բարիները արքայութեան աջ կողմը պիտի դասէ, իսկ չարերը՝ ձախ կողմը՝ դժոխք պիտի դրկէ:

Առաջին գալուստին ծածուկ կերպով եկաւ, իսկ երկրորդ գալուստին փողով ու հրեշտակներու բազմութեամբ պիտի գայ:

Առաջին անգամը որպէս ցոյց եկաւ, իսկ կատարածին՝ հոլորով ու բարկութեամբ:

Առաջին անգամը փրկելու եկաւ, իսկ երկրորդին չարերը դատապարտելու համար պիտի գայ: Սակայն ո՛չ միայն մեղաւորները դատելու պիտի գայ, որոնք մեղքերով մեռած են, այլ արդարները եւս, որոնք բարի գործերով կենդանի են:

Մեծ սարսափ է կենդանի Աստուծոյ ձեռքն իյնալը, եթէ արդարը հազիւ կ'ապրի, ապա մեղաւորն ու ամբարիշտը ընդ պիտի երեւին: Այդ պատճառով Դավիթ կ'ըսէր, թէ՛ ծառայիդ հետ դատաստանի մի՛ մտներ, որովհետեւ Քու ղիմացող ո՛չ մէկ կենդանի կրնայ արդարանալ:

Սակայն Քրիստոս արդարները կը դատէ ու կը փառաւորէ հրեշտակներուն ղիմաց, իսկ մեղաւորները կը դատէ ու կը դատապարտէ յաւիտեանական կրակին:

Արդարեւ՝ մարդ ինչքան քարսիրտ պիտի ըլլայ, որ լսելով այս սարսափ օրուան մասին՝ պատրաստութիւն չի տեսներ ու տակաւին մեղք գործելէ չի դադիր. կարծեք այդպիսի մարդն ապառաժ քար ու երկաթէ աղիք ըլլայ...

Սուրբ Մատթէոսն այն բիւրեղ ապակին, երկրորդ գալուստին մասին զօրաւոր կերպով կը վկայէ,

Իր Հօր փառքով՝ թէ ահեղ Տէրը պիտի գայ,

Սուրբերը պիտի պսակէ ու շքեղ դարձնէ:

Թ

Ինքնորդ աստիճանն այս էր. *կը հաւատամ Սուրբ Հոգիին*: Ասիկա Յակոբը՝ Ափեռսի որդին ըսաւ:

Այս մէկը մեզի աստուածային երրորդ անձին մասին կ'ուսուցանէ. որովհետեւ, ինչպէս Հայրն Աստուած յաւիտեաններէն Սիածին Որդին ծնաւ, այդպէս ալ յաւիտեաններէն իբրեւ անհուն առատաբաշխութիւն եւ իբրեւ յորդահոս գետ մը բխեց նաեւ Սուրբ Հոգին, ինչպէս Քրիստոս ըսաւ, թէ՛ ճշմարտութեան Հոգին Հօրմէն կ'ելլէ: Քանի որ Իր աստուածային ծնունդը յայտնելով ըսաւ, թէ՛ Հօրմէն ելաւ ու աշխարհ եկաւ. այդպէս ալ մեզի Սուրբ Հոգիին բխումը կը յայտնէ՝ ըսելով, թէ՛ ճշմարտութեան Հոգին Հօրմէն կ'ելլէ:

Այս է ճշմարտութեան միակ պարզ ու յստակ վարդապետութիւնը: Այս մասին ո՛չ մարգարէները, ո՛չ առաքեալները, ո՛չ հրեշտակները եւ ո՛չ ալ բոլոր սուրբերը կրնան այլ տեսութիւն մը (վարդապետութիւն) մը տալ:

Տակաւին, թէեւ առաքեալները հաւատքին տասնչորս աստիճանները Աւետարանէն առին, սակայն այս խօսքն Ինք՝ Քրիստոս, Իր անսուտ բերանով վկայեց, թէ՛ ճշմարտութեան Հոգին Հօրմէն կ'ելլէ:

Այսպէս ըսին նաեւ Կոստանդնուպոլսոյ սուրբ ժողովին մէջ 150 հայրապետները, թէ՛ կը հաւատանք Սուրբ Հոգիին, Տիրոջ եւ Կենդանարարին, որ Հօրմէն կը բխի, որ Հօր եւ Որդիին հետ միասին կը փառաւորուի ու կ'երկրպագուի: Իսկ Քաղկեդոնի ժողովին մէջ այսպէս ըսին, թէ՛ կը հաւատանք Սուրբ Հոգիին, որ Հօրմէն է, իսկ ով որ բան մը անելցնէ, ճշովեպէս ըլլայ: Ըսել կ'ուզեն, թէ ով որ անելցնէ ու ըսէ թէ՛ եւ Որդին:

Յակոբոս Ափեռսի որդին՝ տպագրուած (թանկագին քարի տեսակ) քար,

Որ ղեղին սէլան կ'ըսուի իր անունը,

Կը հաւատայ Սուրբ Հոգիին անուն,

Որ զկն ունեցողին՝ միտքով իմաստուն կը դարձնէ:

Ժ

Տասներորդն այս է. *եւ Սուրբ Կաթողիկէ Եկեղեցիին ու սուրբերու հաղորդակցութեան*. այս մէկը Սիմոն Կանանացին ըսաւ:

Ասիկա կ'ուսուցանէ մեզի հաւատալ մէկ, սուրբ, Կաթողիկէ եւ Առաքելական Եկեղեցիին: Այս Եկեղեցի անունը քարաշէն ու փայտաշէն եկեղեցւոյ մասին չէ, այլ բոլոր ճշմարիտ քրիստոնէայ հաւատացեալներուն համար ըսուած է: ճշմարիտ հաւատացեալներ այն պատճառով ըսի, որովհետեւ հերձուածողները, հերետիկոսներն ու բանադրուած մարդիկը Եկեղեցւոյ ճշմարիտ անդամներ չեն: Սակայն Սկրտութեան խորհուրդն ունի, Սկրտութեան խորհուրդով միաւորուած են Եկեղեցւոյ:


ւոյ. բայց, զօսացածներու եւ ծառերու չորցած ուտերու նման են, որոնք թէեւ ձեւով մը ծառին կցուած են, սակայն չորութեան պատճառով արմատէն խոնաւութիւն (սնունդ) չեն կրնար քաշել ու կանաչնալ: Այսպէս են նաեւ բոլոր հերձուածողները, հերետիկոսներն ու բանադրուած մարդիկը, որոնք թէեւ Սկրտութեան խորհուրդով Եկեղեցիին կցուած են, սակայն բարի գործերու մէջ չեն կրնար աճիլ ու զօրանալ, քանի որ անէն տեսակի բարեգործութեան արմատն ու հիմքը հաւատքն է: Տակաւին՝ հիմքը երբ խախուտ ըլլայ, վրայի շինութիւններն ալ անհիմք կ'ըլլան: Արդարեւ՝ այդպիսի խախուտ հաւատքի տէր ու թերակատար հաւատացողին գործերն ալ թերի ու անհիմք կ'ըլլան եւ չեն կրնար մարդուն արքայութիւն հասցնել:

Այս եւս իմացիր, թէ ինչ կը նշանակէ հերձուածող, եւ ինչ՝ հերետիկոս:

Հերձուածողն ան է, որ թէեւ հաւատքի բոլոր աստիճաններուն կը հաւատայ, սակայն ծուռ կերպով կը մեկնէ, այսինքն՝ թէ ըսողին ըսել ուզած միտքէն տարբեր բան կ'ըսէ եւ թէ Սուրբ Եկեղեցւոյ:

Իսկ հերետիկոսն ան է, որ հաւատքի մասերէն մէկը կամ մի քանիսը կ'ուրանայ. ինչպէս օրինակ՝ Արիոսը, որ Քրիստոսի բնութեամբ Աստուծոյ Որդի ըլլալն ուրացաւ, իսկ Մակեդոնը, որ Սուրբ Հոգիին աստուածութիւնն ուրացաւ, իսկ Նեստորը, որ Քրիստոսի բնութեամբ մարմինն միանալն ուրացաւ, ու Սուրբ Կոյսն Աստուածածին եւ Աստուծոյ մայր չխոստովանեցաւ: Այսպիսիներուն Եկեղեցւոյ վարդապետները տեսական հերետիկոսներ կ'ըսեն, որովհետեւ իրենք սահմանած են չար ու անընդունելի հերետիկոսութիւնը: Իսկ ան, որ անոնց կը հետեւի ու անոնց ըսածները կ'ընդունի, այդպիսիին միեւնական հերետիկոս կ'ըսեն, որովհետեւ անոնցմէ միեւնականութեան ու յառաջ եկած է:

Իսկ բանադրուածն ան է, որ Եկեղեցական հաղորդութենէն ու սուրբ խորհուրդը ճաշակելէ կը զրկուի: Այդպիսիին ըսաւ Սիմոն առաքեալը, թէ՛ *սուրբերու հաղորդ*



դակցութենէն, այսինքն՝ ի մասնակցութիւն սուրբ հաւատացեալներուն, աղօթքներուն ու եկեղեցւոյ այցելութեան: Ինչպէս Դավիթը կ'ըսէ, թէ՛ զիս հաղորդակից ըրէ, Տէր, Քեզմէ երկիւղածներուն: Իսկ Սուրբ Եկեղեցին Արեւագալի ժամերգութեան մէջ կ'աղօթէ՝ ըսելով, թէ՛ *արեւելքէն մինչեւ արեւմուտք, քրիստոնէայ բոլոր երկիրներուն մէջ, ուր Տիրոջ անունը սրբութեամբ կը կանչեն, Տէր, անոնց աղօթքներով ու բարեխօսութեամբ, ողորմէ՛ մեզի:*

Այս եւս իմացիր, թէ Եկեղեցւոյ Հայրն Աստուած է, որովհետեւ Եկեղեցին դուստր կ'ըսուի, իսկ Եկեղեցւոյ Փեսան Քրիստոս է, ինչպէս ըսաւ Սուրբ Յովհաննէս Մկրտիչը, թէ՛ ով որ հարսն ունի, ան է փեսան: Սուրբ Գրիգոր Նարեկացին ալ կ'ըսէ, թէ՛ *ասոր հարսնութեան փեսան Աստուծոյ Որդին է:* Իսկ Եկեղեցւոյ պարգեւը, ընծան, սրբարարն ու կառավարիչը Սուրբ Հոգին՝ Աստուած ճշմարիտն է:

Սուրբ Սիմոնը ոսկեբիւրեղ, ոսկեցող կանաչեայ քար է,

Սուրբ Եկեղեցւոյ կը հաւատայ, եւ մեղքերու թողութեան վկայ է:

Շարունակելի

Փոխադրութիւնը՝
Վարանդ (Յակոբ) ՔՈՐԹՈՍԵԱՆԻ

Հոռոմայրի Ա. Նշան վանք

Սկիզբը՝ թիվ 13



2017 թ. դեկտեմբերի 11-ին Գուգարաց թեմի առաջնորդ Ս. Սեպուհ արք. Չուլջանը կատարել է վերանորոգված սրբավայրի վերածնան համդիսավոր արարողությունը: Այդ պատմական ու հիշարժան օրվա տոնակատարությանը հավատքով եւ ուխտով մասնակցում էին Օծուն գյուղի եւ մոտակա բնակավայրերի բարեպաշտ հայորդիներ՝ ծերեր, երիտասարդներ, կանայք ու երեխաներ, մեծաթիվ հյուրեր: Օծվեցին եւ ապա տեղադրվեցին զույգ եկեղեցիների զագաթների խաչերը, այնուհետեւ աղոթատան ներսում օծվեցին պատարագի սուրբ սեղանը եւ երկու խորանները: Թեմակալ առաջնորդի հանդիսապետությամբ՝ նորածն աղոթատանը ուխտի պատարագ մատուցեց ենթաշրջանի հոգեւոր հովիվ Ս. Վրթանէ քհն. Բաղայանը, Ավետարանի եւ հաղորդության սկիհի վերաբերումն արեց Ավարդու հոգեւոր հովիվ Ս. Միքայել քհն. Շաղոյանը, իսկ բուրվառակիրն էր Ալթալա համայնքի հոգեւոր հովիվ Ս. Հրեմուն քհն. Թարվերդյանը:

Օծման արարողությանը ներկա էին Լոռու մարզային իշխանության ներկայացուցիչներ, Վանաձորի, Ստեփանավանի, Թումանյանի քաղաքապետները, հարակից գյուղերի համայնքապետներ, ուխտավորներ Հայաստանի տարբեր վայրերից: Հավարտ պատարագի թեմակալ առաջնորդն իր օրհնության ու շնորհավորանքի խոսքն ուղղեց ներկաներին, օրհնեց բարեբաղն Արթուր Նալբանդյանին եւ Աշոտ Շաքարյանին, ապա օրհնության գիր ու սրբապատկերներ մվիրեց: Սրբազան օրհնության եւ քաջալերանքի խոսքեր ասաց ուխտատէղի վերականգնման մախագծի հեղինակ ճարտարապետ Սուրեն Աբովյանին, շինարար Հակոբ Հարությունյանին եւ նրա որդուն՝ Սուրենին, Ս. Վրթանէ քհն. Բաղայանին, Օծուն գյուղապետ Արսեն Տիտանյանին, Արտակ Արեւայանին եւ Համլետ Հակոբյանին: Սրբավայրի վերականգնման եւ վերածնան առթիվ գործարար Արտուշ Փարեմուլյանի կողմից կանգնեցվեց խաչքար, որը նույնպէս օծվեց: Արարողության ավարտին ներկաներին բաժանվեց ուխտի մատաղ: ➤ էջ 5



Նաբուքոդոնոսորն ու անհավանական թվացող մի պատմական փաստ

Ինչեւ ժժ դ. որոշ կասկածամիտների համար Նաբուքոդոնոսորն ընդամենը մի առասպելական կերպար էր: Սակայն Բաբելոնի ավերակները պեղելիս, ի զարմանս իրենց, գիտնականները պարզեցին, որ իրականում այդպիսի արքա գոյություն է ունեցել: Ավելին՝ նա ապրել է իսկ այն ժամանակ, որը Սուրբ Գիրքն անվանում է «բաբելոնյան գերության ժամանակաշրջան»:

«Այսօր Նաբուքոդոնոսորը Սուրբ Գրքի այն անձանցից է, որոնց մասին ոչ սուրբ-գրային աղբյուրներից մեծաքանակ տվյալներ ունենք», – ասում է Էկկարտ Ֆրանը՝ Ելյան համալսարանի մերձավորարեւելյան լեզուների ու քաղաքակրթությունների պրոֆեսորը: Հնագետները հիմքաբելոնյան կայսրության տարածքում տասնյակ հազարավոր կավե սալիկներ եւ գրություններ

պարունակող այլ առարկաներ հայտնաբերեցին: Այդ նյութերի թիվն անդ պարզապես անթիվ-անհամար էր:

Համաձայն Դանիել մարգարեի գրքի՝ Աստված Նաբուքոդոնոսորին պատժեց նրա մեծ ամբարտաւանականության համար. «Մարդկանց միջից պիտի հալածեն ու վտարեն քեզ: Դու պիտի բնակվես անապատի գազանների հետ, եւ որպէս արջառի՝ խոտով պիտի կերակրեն քեզ: Յոթ ժամանակներ պիտի անցնեն քո վրայից, մինչեւ ճանաչես, որ Բարձրյալն է տիրում մարդկանց թագավորությանը եւ այն պիտի տա, ում որ կամենա: Հենց նույն ժամին այդ բանը կատարվեց Նաբուքոդոնոսորի հետ. նա հալածվեց ու վտարվեց մարդկանց միջից, ինչպէս արջառ՝ նա խոտ էր ուտում, եւ նրա մարմինը թրջվեց երկնքի ցողից, մինչեւ որ նրա

մազերը երկարեցին առյուծի մազերի չափ, եւ նրա եղունգները՝ թռչունների մազիկների պէս» (Ե 29–30): *Լիկանտրոպիա (հուն.՝ մարդագայլ) կոչվող այս տարօրինակ հոգեգարությունը, որի ժամանակ մարդ ոչ միայն կորցնում է բանականությունը, այլ նաեւ կենդանակերպ է դառնում, հայտնի է հին ժամանակներից: Այսպէս՝ Հերոդոտոսը, հռոմեացի Հուլիանոս կայսեր արքունական բժշկապետ Օրիբազիոսը եւ այլք վկայում են գայլերի վերածված մարդկանց մասին: Քիչ չեն նմանօրինակ վկայությունները նաեւ եվրոպական, սկանդինավյան ու սլավոնական ավանդություններում եւ ասքերում: Այսպէս էր նաեւ հայոց Տրդատ թագավորի պարագայում, ինչպէս հայտնում է Ագաթանգեղոսը՝ Հայաստանում քրիստոնեության ընդունման եւ հաստատման ակամատեսը. «Ամմիջապէս սկսեց մոլեգնել ու ինքն իրեն ուտել եւ բարեխաղիների Նաբուքոդոնոսոր արքայի նման մարդկային բնությունից դուրս գալով՝ վայրենի խոզերի կերպարանքով, իբրեւ նրանցից մեկը, գնաց նրանց մեջ բնակվելու: Այնուհետեւ մտնելով եղեգնուտը՝ խոտաճարակ դարձավ...» («Պատմություն Հայոց», Երեւան, 1977, էջ 211, ծանոթ.՝ թարգմանչի):*

Ըստ Սուրբ Գրքի՝ լայնածավալ բաբելոնյան կայսրության արքա Նաբուքոդոնոսորը թափուր էր թողել իր գահը, վտարվել մարդկանցից եւ կենդանիների հետ ապրում էր ինչ-որ տեղ ու նրանց հետ սնվում: Ուշագրավն այն է, որ արքունական պատմության մեջ հաստատվում է Նաբուքոդոնոսորի՝ իր գահը յոթ տարի թափուր թողնելու փաստը, եւ չի բացատրվում, թե ինչու: Աստվածաշունչը, սակայն, պատճառաբանում է:

Ջոն Հոուլդինգեյ անունով գիտնականը որոշ զուգադրություններ է տեսնում Նաբուքոդոնոսորի խելագարության եւ նրա ապաքինման մասին տեղեկություններում: Նա գրում է. «Սեզ հասած կցկտուր սեպագիր բնագրում պարզորոշ խոսվում է Նաբուքոդոնոսորի ինչ-որ հոգեկան ցավագարության մասին եւ, հավանաբար, այն մասին, որ նա չէր իշխում Բաբելոնում ու լքել էր քաղաքը»:

«Բաբելոնյան Հոբ» հորջորջված վավերագիրը վկայակոչելով՝ Հոուլդինգեյն ասում է, որ սույն փաստաթուղթը «հաստատում է նրա պատժապարտությունը

Աստծուց, հիվանդությունը, նվաստացումը, սարսափելի երազի մեկնության որոնումը, կտրված ծառի տապալման նման գահընկեց լինելը, մարդկանց միջից վտարումը, խոտաճարակությունը, բանականության կորուստը, արջառի (իմա՛ եզ) նմանվելը, Մարդուբից պատուհասված տեղատարափ անձրեւները, փչացած եղունգները, աճած եւ խռիվ մագածածկույթը, ինչպէս եւ ապաքինումն ու այդ առիթով նրա գոհաբանությունն առ Աստված»:

«Այդ օրերից հետո ես՝ Նաբուքոդոնոսորս, իմ աչքերը բարձրացրի դէպի երկինք, իմ միտքը վերադարձավ ինձ, օրհնեցի Բարձրյալին, զովեցի եւ փառավորեցի հավիտենապէս կենդանի Աստծուն, որովհետեւ Նրա իշխանությունը հավիտենական իշխանություն է... Արդ, ես՝ Նաբուքոդոնոսորս, օրհնում եմ, փառավորում եւ առավել պանծացնում երկնքի արքային, որովհետեւ Նրա բոլոր գործերը ճշմարիտ են, Նրա ուղիները՝ արդար, եւ բոլորին, ովքեր կամբարտավանան, Նա կարող է խոնարհեցնել» (Դան. Ե 31, 34):

Այսպէս ուրեմն՝ Նաբուքոդոնոսորի խելագարությունը հաստատվում է պատմական վկայություններով:

Միջագետքի ավագուսները պեղելիս հնագետներն անսպասելիորեն հայտնաբերեցին Նաբուքոդոնոսորի եւ նրա կառավարման ուշ շրջանով թվագրվող մի սեպագիր արձանագրություն: Եվ ահա թե ինչ, զորօրինակ, պատմաբանները կարողացին այդ կավե սալիկներից մեկի վրա. «Իմ քաղաքամայրը... սրտիս ուրախություն չէր պատճառում, իշխանություն չէի բանեցնում իմ բոլոր թագավորություններում, իմ թագավորության թանկարժեք գանձերը չէի հավաքում, Բաբելոնում ոչ ինձ համար, ոչ իմ թագավորության փառքի համար որեւէ շինություն չէի կառուցում: Ես [որեւէ անգամ] զովերգություն չվերառաքեցի ի փառս իմ տիրոջ եւ դիք Մարդուբի իմ սրտի ուրախություն Բաբելոնում՝ նրա մեծափառության քաղաքում եւ իմ թագավորության ոստանում, որեւէ բան չմատուցեցի նրա բագինի վրա, նաեւ չէի մաքրում ջրանցքները»:

Ինչ անհավանական ցայտուն հակադրություն կա այն խոսքերի համեմատ, որոնցով նախկինում արքան զովաբանում էր իր թագավորությունն ու մեծությունը: ➤ էջ 7

Դարավոր պայքար

Սկիզբը՝ 2022-ի թիվ 16

Նշանավոր արաբ պատմիչ Իբն ալ Ասիրը (1160–1233 թթ.) իր բազմահատոր «Լիակատար պատմության» մեջ համագամորեն անդրադարձել է նաեւ սելջուկ-թուրքերի ասպատակություններին եւ զավթումներին Հայաստանում: Նա մասնավորապէս նշել է, որ օղուկ-թուրքներն «անմիջապէս անցան չարագործության, ապականության, սպանության եւ կոդուլուտի... անխնա կոտորեցին հասարակ ժողովրդին... շատերն սպանվեցին...»: Այդպէս վարվեց նաեւ Ալի-Արսլանը, որի հրոսակները վառեցին ու կործանեցին եկեղեցիները, բնակիչներին վայրենաբար կոտորեցին: Նա հարձակվեց նաեւ Անիի վրա, որը «մի շեն ու բազմամարդ քաղաք էր, ուր կար հինգ հարյուրից ավելի եկեղեցի»: Ալի-Արսլանը պաշարեց քաղաքը, որը Բյուզանդիան փաստորեն թողել էր անպաշտպան: Այդ իրավիճակից օգտվեցին սելջուկ-թուրքերը եւ մտնելով քաղաք՝ անխնա կոտորեցին բնակիչներին: Ի դեպ՝ տառաջիորեն նույնն է վկայում արաբ մեկ այլ պատմիչ՝ Սադր ալ Դին ալ Հյուսայնին. «Եվ կոտորեցին անթիվ քանակությամբ բնակչություն, այնքան շատ, որ մահմեդականներից շատերը չկարողացան ներս խուժել քաղաք՝ սպանվածների բազմության պատճառով: Եվ նրանք գերի վերցրին գրեթե նույնքան, ինչքան որ սպանել էին»: Այնուհետեւ Ալի-Արսլանը նույն ջարդարարությամբ գրավում է Արարատյան աշխարհը, Լոռին, Այունիքը, Կարսը, նվաճված երկիրը ծածկում սպանվածների դիակներով: Թուրք պատմաբաններն արդյո՞ք գիտեն արաբական

այս աղբյուրների մասին... Իհարկե, բայց նրանք գերադասում են անտեսել դրանք եւ կեղծելով փաստերը՝ փառաբանել Ալի-Արսլանին եւ նմաններին:

Տուրքիլը հակահարված ստացավ նաեւ Մանազկերտում, որտեղ բնակչությունը՝ իշխան Վասիլի գլխավորությամբ, մեկ ամիս հերոսաբար դիմադրեց: Թշնամին հարկադրված նահանջեց, սակայն ճանապարհին ավերեց հայկական մի շարք քաղաքներ ու գյուղեր: Ժամանակակիցը վկայում է, որ ամենուր դիակներ, հրդեհված եւ ոչնչացված տներ ու եկեղեցիներ էին:

1056–1058 թթ. սելջուկները հարձակվեցին Կարսի եւ Անիի վրա: Չկարողանալով գրավել դրանք՝ վրժ լուծեցին շրջակա քաղաքներից եւ գյուղերից, մասնավորապէս Բասենի հովտում կործանեցին Օկոմի քաղաքը՝ կոտորելով 30 000 բնակիչ: Անհաջողությամբ ավարտվեց սելջուկների հարձակումը Մելիտենի վրա, իսկ նահանջի ճանապարհին՝ Տարոնում՝ Ս. Կարապետ վանքի մոտ, սասունցիները՝ Թոռնիկ Մամիկոնյան իշխանի գլխավորությամբ, նրանց կանգնեցրին եւ կոտորեցին (մի մասն էլ ցրտահարվեց):

Այս իրադարձությունները տեղի էին ունենում Տուրքիլ բեկի օրոք (1038–1063 թթ.): Նա հզորացավ, մտավ Բաղդադ եւ խալիֆայից 1058 թ. ստացավ սուլթանի կոչում, դարձավ սելջուկյան աշխարհակալ պետության հիմնադիրը: Նրա հաջորդը՝ Ալի-Արսլանը (1063–1072 թթ.) առավել ընդարձակեց սելջուկյան տիրապետությունը, որի ծանր լծի տակ ընկավ նաեւ Հայաստանը: Ալի-Արսլանը 1064 թ. մեծաթիվ գործով անցավ Աղվանքով եւ փրատաճում ու մտավ Հայաստան:



Նա նախապատրաստվեց հետագա հարձակման Բյուզանդիայի դեմ՝ գրավելու դրա արեւելյան մարզերն ու Հարավային Հայաստանը: Բյուզանդիայի կայսր Ռոմանոս Դ Դիոգենեսը (1068–1071 թթ.) փորձեց դիմադրել եւ սկզբնական շրջանում ունեցավ որոշ հաջողություններ, սակայն ընդհանուր առմամբ վարձկաններից կազմված նրա խայտաբղետ բանակն ուժեղ չէր, եւ չկար կարգապահություն: Վարձկանների թվում էին պեչենեգներ, ղվիչաղներ եւ թուրքալեզու այլ զինվորներ, որոնք իրենց զորապետներով վճռական պահին դավաճանեցին: Հենց այդպիսի իրավիճակում 1071 թ. տեղի ունեցավ Մանազկերտի ճակատամարտը, որտեղ բյուզանդական բանակը կրեց խայտառակ պարտություն, կայսրն էլ գերի ընկավ Ալի-Արսլանին: Սել-

ջուկները գրավեցին Փոքր Ասիայի բազմաթիվ շրջաններ եւ իրենց իշխանությունը տարածեցին գրեթե ողջ Հայաստանի վրա: Հայտնի բյուզանդագետ պրոֆեսոր Հ. Գելցերը գրել է. «1071 թ. Մանազկերտի պարտության ճակատագրական սարսափելի օրը բյուզանդական մեծ պետության մահվան օրն էր: Թեւեւ նրա հետեւանքներն իրենց բոլոր ահավորությամբ անմիջապէս զգալի չեղան, սակայն Փոքր Ասիայի արեւելյան մասերը, Հայաստանը եւ Կապադովկիան, որոնք այնքան կայսրեր ու զորապետներ էին տվել եւ կազմում էին պետության իսկական ուժը, ընդմիջտ կորած էին կայսրության համար, եւ թափառական թուրքը հաստատեց իրն հռոմեական փառահեղության ավերակների վրա իր վրանը»:

Հռոմայրի Ս. Նշան վանք

← էջ 3

Հռոմայրի Ս. Նշան եկեղեցուն այսուհետ ամեն տարի՝ ուխտի օրերին, եկեղեցական խորհուրդներ եւ արարողություններ են կատարվում:

Որպես նշանավոր ուխտատեղի՝ Հռոմայրի Ս. Նշան սրբավայրի ուխտի օրերն են Հայ Առաքելական Սուրբ Եկեղեցուն՝ Սուրբ Խաչին նվիրված տոները (Երեւոնն Սուրբ Խաչի, Խաչվերաց, Վարազա Սուրբ Խաչ) եւ հատկապես Գյուտ Խաչի տոնը (Խաչգյուտ):

Գյուտ Սուրբ Խաչի, Խաչգյուտի կամ Խաչի գտնվելու տոնը շարժական է, եւ Հայոց Եկեղեցին այն նշում է Խաչվերացին հաջորդող 7-րդ կիրակի կամ հոկտեմբերի 26-ի մերձակա կիրակի օրը: Հոյններն այս տոնը միացրել են Խաչվերացի տոնին եւ նշում են սեպտեմբերի 14-ին, իսկ կաթոլիկները նշում են մայիսի 3-ին: Այս տոնի պատմական հիմքը սրբազան ավանդության միջոցով մեզ հասած մի գեղեցիկ պատմություն է: Քրիստոսի համբարձումից հետո Խաչափայտը մնացել էր Գողգոթայի բարձունքում ընկած՝ բոլորից լքված եւ անուշադրության մատնված: Գարնանը, երբ երեխաները խաղում էին խոտերի մեջ եւ ծաղիկներ հավաքում, ի ծնե կաղ մի երեխա, պատահաբար դիպչելով տերունական Խաչափայտին, բռնկվում է: Այս դեպքից հետո բազմաթիվ հիվանդներ ու կարոտյալներ սկսում են բռնկվել Սուրբ Խաչի զորությամբ: Հրեաները, ցանկանալով կանխել Խաչափայտի հրաշագործ զորության՝ հետգիտե տարածվող համբավը, այն դնում են Քրիստոսի գերեզմանում եւ մի վեռով փակում, իսկ վեռի վրա կանգնեցնում են Ափրոդիտեի պատկերը, որպեսզի Խաչից բխող հրաշքները վերագրվեն կուռքին: Այդ օրերին տերունական սրբազան վայրերին երկրպագելու համար իր զավակների հետ Հռոմից երուսաղեմ է գալիս Կլավդիոս կայսեր կինը՝ Պատրոնիկե կայսրուհին, որը Պետրոս առաքյալի շնորհիվ դարձի էր եկել ու մկրտվել: Հակոբոս Տյառնեղորը միջոցով տեղեկանալով Խաչափայտի մասին՝ նա հրամայում է բացել Տիրոջ գերեզմանն ու համել Խաչը: Սակայն գերեզմանը բացելուց հետո նրանք մնում են անորոշության մեջ,

քանի որ Տիրոջ Խաչափայտի հետ գերեզմանում էին գտնվում նաեւ երկու ավագակների խաչերը: Որպեսզի պարզեն, թե որն է Տիրոջ Խաչափայտը, նոր մահացած մի պատանու (տարբերակներից մեկում՝ նոր մահացածը աղջիկ էր՝ Պատրոնիկե կայսրուհու դուստրերից մեկը) են դնում խաչերից մեկի վրա եւ աղոթում, սակայն որեւէ բան տեղի չի ունենում: Դնում են երկրորդ խաչի վրա ու դարձյալ աղոթում. պատանին սկսում է կենդանության նշաններ ցույց տալ, եւ այսպիսով պարզվում է, որ դա աջակողմյան ավագակի խաչն է: Երրորդ խաչի վրա դնելիս նույնիսկ չեն հասցնում աղոթել, քանի որ Խաչափայտին հավելում պես պատանին հարություն է առնում: Այս հրաշքին ականատես հրեա Հուդան դարձի է գալիս, մկրտվում, իսկ հետո դառնում է Երուսաղեմի Կյուրեղ եպիսկոպոսը: Այսպիսով՝ ճանաչվում է Քրիստոսի հրաշագործ Խաչափայտը, որից մի մասունք վերցնելով՝ կայսրուհին վերադառնում է Հռոմ, իսկ Ս. Խաչը դրվում է տաճարում (հետագայում այդ մասունքից մի կտոր սուրբ Հռիփսիմեն բերում է Հայաստան, ապա թաքցնում Վարազա լեռան մի քարայրում՝ վախենալով, որ այն կընկնի հեթանոսների ձեռքը): Կլավդիոս կայսեր եւ Պատրոնիկեի մահվանից հետո հրեաներն սպանում են Հակոբոս Տյառնեղորը, Ս. Խաչափայտը մյուս երկու խաչերի հետ մետում Գողգոթա եւ այդ վայրը մոռացության մատնելու համար՝ վերածում աղբանոցի: Շուրջ երեք հարյուր տարի Ս. Խաչը մնում է Գողգոթայում՝ թաղված աղբի ու մոռացության մեջ: Կոստանդինոս Մեծ կայսեր մայրը՝ Զեղինե թագուհին, տեսիլքով հրահանգ է ստանում Աստծուց՝ գնալ Երուսաղեմ, գտնել Ս. Խաչը եւ տերունական վայրերում տաճարներ կառուցել: 327 թ. թագուհին մեծ շքախմբով գալիս է Երուսաղեմ եւ Հուդա անունով մի հրեայից տեղեկանում, որ Խաչափայտը թաղված է Գողգոթայի բարձունքում: Թագուհու հրամանով բլուրը մաքրում են եւ գտնում երեք խաչերը՝ պատված անուշաբույր ռեհանով, որով նրանք պաշտպանվել էին աղբից ու զերծ էին մնացել ապականությունից, հողից ու փտումից: Տերունական Խաչափայտն


անմիջապես ճանաչվում է, քանի որ նրան հավելվով՝ նախ բռնկվում է մի կին, ապա հարություն է առնում մի պատանի՝ Երուսաղեմի Մակարիոս պատրիարքի որդին:

Գողգոթայի վրա կառուցվում է Ս. Հարության տաճարը, իսկ Խաչափայտը բարձրացվում է այնտեղ՝ ի ցույց բոլորի եւ ի նշանավորումն այն իրողության, որ երեքհարյուրամյա անհայտությունից հետո վերջապես գտնվել ու քրիստոնյա աշխարհին է վերադարձվել իր մեծագույն սրբություններից մեկը: Ահա այս սրբազան իրողության հիշատակն է, որ ամեն տարի մեծ շուքով տոնակատարում է մեր քրիստոնեական եկեղեցին: Եվ այս տոնը պատգամ է յուրաքանչյուր քրիստոնյայի՝ իր հոգում գտնելու բազում մեղքերի տակ թաղված Խաչը, ապավինելու նրա զորությանը եւ քայլելով Խաչալի ճանապարհով՝ արժանի դառնալու երկնային արքայության պսակին:

Հատկանշական է, որ տեղացի տարեցներից ոմանք հիշում էին, որ նույնիսկ խորհրդային իշխանության տարիներին ձորամիջի Սուրբ Նշան եկեղեցին շարունակում էր մնալ որպես նշանավոր ուխտատեղի եւ Գյուտ Սուրբ Խաչի տոնի օրը ուխտավորների հոծ խմբեր էին գալիս ու բարձրանում Հռոմայրի Սուրբ Նշան:

* * *

Վանական համալիրի Հռոմայր անվանման ստուգաբանության մի քանի տարբերակներ են մեզ հասել: Այդ ավանդապատումներից մեկի համաձայն՝ Բյուզանդիայի Լեւոն Իսավրացի կայսրը Վասիղ անունով մի հոռոմ (այսինքն՝ բյուզանդացի) իշխանի ուղարկում է Հայաստան, որն էլ կայսեր անունից մեղադրում եւ անարգում է Հայոց եկեղեցուն: Իր հայիոյախոսության համար Վասիղը պատժվում, հիվանդանում եւ հասնում է մահամերձ վիճակի: Բժիշկները չեն կարողանում օգնել նրան: Գթառատ մարդիկ խորհուրդ են տալիս դիմելու Ս. Հովհան Օծնեցու (717–728 թթ.) օգնությանը: Միայն Ս. Հովհան Օծնեցու ձեռքի թեթեւ հպումով Վասիղն առողջանում է եւ հավատում Հայոց եկեղեցու ուղղափառությանը, մնում Հայաստանում եւ ճգնում մի քարայրում,



որը նրա մահից հետո կոչվում է Հռոմի այր կամ Հռոմայր:

Ս. Հովհան Օծնեցին մի առիթով այցելության է գալիս Վասիղին եւ տեսնելով, որ նա ջրի պակասություն է զգում, խաչակնքում է, եւ մոտակա այրերից մեկի մեջ խկույն թնդյուն-թնդոցով հորդառատ աղբյուր է բխում: Անուշահամ ու սառնորակ աղբյուրը եւ քարանձավը ստանում են Թնդոց անունը: Սուրբ Նշան եկեղեցու ներքեւի ձորն էլ, ուր բխում է անուշահամ, հորդառատ Թնդոց աղբյուրը, այդուհետ կոչվում է Թնդոցի ձոր:

Թնդոց աղբյուրը հայտնի էր որպես անզավակներից երեխա պարգետող սրբատեղի: Սուրբ Նշան ուխտի գալով՝ կանայք խնդրում էին սրբերի բարեխոսությունն ու օգնությունը: Մոմ վառելուց, խունկ ծխելուց, ջերմեռանդորեն աղոթելուց, մատաղ անելուց հետո անզավակ կանայք իրենց գոտին դնում էին ուխտավայրի բեմի վրա ու ժամասացությունից կամ պատարագից հետո խնդրում շատ որդիների հայր մի տղամարդու, որ գոտին վերցնի ու կապի իրենց մեջքին, կամ էլ՝ երեք անգամ անցնում էին Թնդոց աղբյուրի միջով: Փոքրիկ երեխաներին էլ «ոտ ելնելու» քայլելու համար երեք անգամ անցկացնում էին Թնդոց աղբյուրի միջով:

Արման ՄԱՆՈՅԱՆ
Պատմական գիտ. թեկնածու



Ալփ-Արսլանի հաջորդի՝ Մելիքշահի օրոք (1072–1092 թթ.) սելջուկյան տերությունն առավել հզորացավ. այն լայնածավալ էր՝ Չինաստանի սահմաններից մինչեւ Սիջերկրական ծով, Կովկասից մինչեւ Հնդկական օվկիանոս: Մայրաքաղաքն Սպահանն էր: Սելջուկյան տերությունը բաժանված էր էլայեթների՝ մահանգների, որոնք գլխավորում էին ամիրաները՝ փոխարքաները, մելիքներն ու ամիրաները: Հայաստանը, Ատրպատականն ու Առանը (Աղվանքը) մտնում էին մի էլայեթի մեջ: Մելիքշահի մահից հետո սելջուկյան աշխարհակալ տերությունը քայքայվեց, եւ Հայաստանի տարածքում կազմվեցին մի շարք ամիրայություններ (Անիի, Դվինի, Կարսի, Խլաթի, Կարինի եւ այլն), որոնք փաստորեն անկախ էին եւ միայն ձեռակամորեն էին ենթարկվում սելջուկյան սուլթանությանը: Հայաստանում գոյություն ունեցող հայկական փոքր իշխանությունները հետզհետե քայքայվեցին եւ վերացան: Երկրի հարթավայրային շրջաններում տիրապետող դարձան սելջուկ-թուրքերը, իսկ հայ բնակչությունը քվեց լեռնային շրջաններ կամ հեռացավ երկրից: Ավերվեցին բազմաթիվ քաղաքներ ու գյուղեր:

Մեծ հարված հասցվեց Հայաստանի ոչ միայն տնտեսությանը, այլ նաեւ նրա դավոր մշակույթին, ոչնչացվեցին նյութական ու հոգեւոր աժեքներ: Այդպես եղավ նաեւ Սյունիքում 1170 թ., երբ սելջուկ աթաբեկ Էտկուզի հրոսակները, գրավելով ամրակուռ Բաղաբերդը, ոչ միայն կազմակերպեցին բնակչության «սաստիկ կոտորած», այլ նաեւ ոչնչացրին ու կողոպտեցին հա-



յերի՝ ապահովության համար այստեղ հալածած առավել քան 10000 գիրք եւ շատ գանձեր: Այդ մասին անվանի պատմագիր Ստեփանոս Օրբելյանն իր «Պատմութիւն մահանգին Սիսական» վավերագրական աշխատության մեջ հոգեկան ծանր խռովքով գրել է. «Բոլոր վանքերից այնտեղ էին կուտակվել սրբությունները, գրքերը, եկեղեցական սպասքները, առավելապես՝ Տաթևի հարուստ ու փարթամ աթոռի անհամար ու աննման սրբություններն ու եկեղեցական սպասքները, ոսկե եւ արծաթե խաչերը, հիշատակային իրերը՝ զարդարված անգին ակնեղեններով, անհամար մարգարիտներով: Այնտեղ ամբարված էին շատ կտակարաններ՝ թվով ավելի քան 10000: Դրանք բոլորն էլ գերի տարվեցին եւ ցրուցան եղան երկրի երեսին»:

Հիրավի օտար զավթիչների հանցանքով հայ գրչությունն ու դպրությունը շատ կորուստներ են ունեցել, բայց այս մեկը զանգվածային կորուստ էր, որին գերազանցեցին 1915 թվականի ոճրագործությունները... Եվ այս ամենը վայրագ թուրքերի ձեռքով... Ընդ որում՝ նրանք նկատել էին, որ հայոց գրքերը մեծ արժեք ունեն, ուստի հաճախ նաեւ գերեվարում եւ վաճառում էին դրանք հենց իրենց՝ հայերին, որոնք նույնիսկ նյութական նեղության մեջ գտնվելով՝ զնում եւ փրկում էին հարազատ հոգեւոր մասունքները:

Սելջուկ-թուրքերի տիրապետության շրջանում խստորեն ծանրացավ Հայաստանի քաղաքական ու տնտեսական վիճակը: Հայ ժողովուրդը իրավագուրկ էր բոլորովին ենթակա սելջուկ նվաճողներին: ➔ էջ 8

Հայությանն ու հայագիտությանը նվիրաբերված կյանք...

Ն. Աղբալյանի ծննդյան 150-ամյակի առթիվ

Սկիզբը՝ թիվ 12

1917-ը մոր սրբագրումներ մտցրեց հայ ազգային ճակատագրի կեռմաններում: Ռուսական զույգ հեղափոխությունների հետևանքով կոմկասն անջատվեց Ռուսաստանից, իսկ կոմկո ռուսական բանակը, որը հասել էր արդեն Արեւմտյան Հայաստանի հեռու խորքերը, տարերային ու համատարած կերպով լքեց ռազմաճակատը եւ հետ քաշվեց իր հայրենի երկիրը:

1918 թ. սկզբին ռուս-թուրքական պատերազմը վերածվեց հայ-թուրքականի: Ամեն ինչ ավելի բարդացավ եւ տագնապալի դարձավ:

Իրադարձությունների հենց այդպիսի հորձանուտում էր ազգային կյանքը, երբ 1917 թ. սեպտեմբերի վերջին իրավիճակում է հայկական ազգային համախորհրդակցությունը (համագումարը), որի աշխատանքներին մասնակցում էր 228 պատգամավոր, որոնք ներկայացնում էին ՀՀԴ, Սոցիալ-դեմոկրատ հնչակյան, Հայ ժողովրդական, Սոցիալիստ-հեղափոխականների կուսակցությունները, ինչպես նաեւ հասարակական, կրթական ու մշակութային տարբեր կազմակերպություններ եւ հոսանքներ: Համագումարում մեծամասնություն էին կազմում ՀՀԴ անդամներն ու համակիրները:


Ն. Աղբալյանն իր կուսակցության կողմից էր ընտրվել պատգամավոր եւ համագումարում մի քանի անգամ սուր ու կրքոտ ելույթներ է ունենում: 1917 թ. հոկտեմբերի 2-ին՝ չորրորդ նիստի ժամանակ, «Անդրկովկասի հատուկ կոմիտե» հարցի շուրջ որպես զեկուցող հանդես է գալիս Ն. Աղբալյանը: Քննադատության սլաքն ուղղված էր Հատուկ կոմիտեի (Օգակոմ) հայագից ներկայացուցիչ Մ. Պապաջանյանին: Միաժամանակ հռետորը նշում էր հայ քաղաքական իրականության մեջ թերությունները՝ կուսակցությունների հակադիր ու երկփեղկված քաղաքականությունը, հայ տարրի ինքնագիտակցության պակասը, դարեդար պետականություն չունենալու եւ դրանով իսկ պետական գործեր վարելու փորձի ու փորձառության իսպառ բացակայությունը:

Համագումարն ընտրում է տասնհինգ անդամից բաղկացած գործադիր մարմին՝ Արեւելահայ ազգային խորհուրդը, որի նախագահ է ընտրվում ՀՀԴ անվանի գործիչ Ավետիս Ահարոնյանը: Այս մարմինը, փաստորեն, դառնում է Անդրկովկասի հայության լիազոր ներկայացուցչությունը՝ օժտված կառավարության իրավունքներով: Ն. Աղբալյանը եւս ընտրվում է խորհրդի կազմում:

Եկավ 1918 թ. գարունը: Մայիսյան հերոսամարտերում հայ ժողովուրդը դիմակայեց ու ջախջախեց թուրքական կանոնավոր ու անկանոն ուժերին եւ հրոսակախմբերին: Մայիսի 28-ին հռչակվեց Հայաստանի Հանրապետության անկախությունը: Հայ քաղաքական ուժերի առաջատարը՝ ՀՀԴ-ն, ստանձնեց հայոց հիմնավոր պետականության վերականգնման պատասխանատվությունը:

Ն. Աղբալյանը հայ պետականության վերականգնման այս ժամանակաշրջանում (1918—1920 թթ.) հարազատ կուսակցության թելադրանքով եւ համձնարարականներով կատարեց բոլոր այն գործառնությունները, որոնք միայն իրեն էին վերապահված: Դրանք մեծ ու փոքր ծավալի համաձայնարարականներ էին, որոնք կարեւոր էին համարել կուսակցական ընկերներն ու վերադասը:

Անկախության հռչակումից հետո Թիֆլիսի եւ Երեւանի Հայոց ազգային խորհուրդների բազմաթիվ խորհրդակցությունների եւ միջկուսակցական բանակցությունների շնորհիվ ձեւավորվեց երկրի ժամանակավոր բարձրագույն



օրենսդիր մարմինը՝ Հայաստանի խորհուրդը, որը բաղկացած էր 46 անդամից: Ն. Աղբալյանը խորհրդի կազմում էր եւ ընդգրկված էր ինքնավարության, մյուս թակամ եւ խմբագրական համձնաժողովներում՝ կատարելով մեծ ծավալի օրինաստեղծ բնույթի աշխատանք: Իր խառնվածքի թելադրանքով՝ նա գործում մասնակցում էր հանրապետության առջեւ ծառացած բազմաթիվ եւ բազմապիսի հիմնահարցերի քննարկմանը: Բայց հատկապես այդ բարդ ու խառնակ օրերին զբաղվում էր Հայաստանին հարեւան երկրների հանդեպ խելացի ու համբերատար քաղաքական ուղեգծի մշակմամբ: Հայրդի ազնվագույն գործիչը վաղուց էր նկատել, որ հարեւան վրացիներն ու ադերիները ձգտում են ամբողջովին յուրացնել հայապատկան եւ հայաբնակ տարածքները, եւ նրանց զավթողական մոլուցքը որեւէ չափ ու սահման չէր ճանաչում: Ազգերի եւ ազգությունների ինքնորոշման սկզբունքն ու խաղաղ համակեցության որեւէ կանոն չկային նրանց օրակարգում: Եթե հայ-թուրքական (թաթարական) բախումները սովորական երեւույթ էին այդ ժամանակ էլ, ապա հայ-վրացական բախումը նորություն էր: Ի վերջո վրացիների հարձակողականությունը հանգեցրեց հայ-վրացական պատերազմին: 1918 թ. դեկտեմբերի 13-ին սկսվեց այդ պատերազմը եւ ավարտվեց դեկտեմբերի 31-ին:

Հետաքրքիր են Ն. Աղբալյանի ազգային պետական գործչի դիտարկումները սույն խնդրի առնչությամբ: Ըստ նրա՝ «Վրաց կառավարությունը, չեն ուզում ասած լինել ժողովուրդը, ստեղծում է մեզ համար անախորժություններ հանիրավի»: Այո, վրացիները ձգտում էին նվաճել ոչ միայն Ախալցխան ու Ախալքալաքը, այլեւ Լոռին ու հարակից շրջանները: Նշենք, որ այդ ժամանակ Լոռու գավառում բնակվում էր շուրջ 60 հազար հայ: Առաջնորդվելով ազգերի ինքնորոշման սկզբունքով՝ Ն. Աղբալյանը հետեւյալն է հարցադրում. «Այդ հողամասում (Լոռիում՝ Ա. 4.) ապրում է մի ժողովուրդ, որին պիտի հարցնել, թե նա ունի ուզում, ունի հետ ու ուզում լինել: Նա արտահայտել է իր կամքը պարզ ու որոշ՝ իրեն համարում է մերը եւ միանալ է ուզում մեզ հետ» (Հայաստանի ազգային արխիվ, ֆ. 198, ց. 1, վգ. 15, թ. 39):

Անշուշտ դա այդպես էր եւ հենց այդ կերպ էլ եղավ: Բարեբախտություն էր, որ այդ եղբայրասպան պատերազմը կարճ ընթացք ունեցավ՝ ընդամենը երկու շաբաթ: Նորաստեղծ հանրապետությունը

հետզհետե կարողացավ կազմակերպված, կենսակայուն ու ճանաչված պետության վերածվել:

Հայաստանի խորհրդի 1919 թ. մայիսի 28-ի հանդիսավոր նիստում ազդարարվեց միացյալ եւ անկախ Հայաստանի հռչակագիրը, որը հայ ժողովրդի դարավոր իղծերի արտահայտությունն էր: Նույն թվականի հունիսին տեղի ունեցան Հայաստանի խորհրդարանի ընտրությունները: Նորընտիր խորհրդարանի բացումը 1919 թ. օգոստոսի 1-ին էր: Այն հաստատեց ՀՀ կառավարության մոր կազմը՝ Ա. Խատիսյանի գլխավորությամբ: Քաղաքական ու պետական մտածողությամբ ընդգրկում ազգային գործիչը՝ Ն. Աղբալյանը, մշակակվեց հանրային կրթության եւ արվեստի նախարար:

Սկսվում է նրա կյանքի ու գործունեության մի նոր առավել պատասխանատու եւ հագեցած փուլը:

Հարկավոր էր գրոյից ստեղծել, ձեւավորել, գործնական ընթացքի մեջ դնել այնքան շատ բան այս ոլորտում: Անհրաժեշտ էր ազգային շունչ, դեմք ու դիմագիծ հաղորդել կրթական ողջ համակարգին, մշակութային կյանքին:

Ն. Աղբալյանը գիմակիցների ու համախոհների հետ ողջ եռանդով լծվեց նվիրական գործին: Երկար ու ձիգ հարյուրամյակներից հետո հայրենական հողի վրա պետք է բացվեին կամ մոր վերածնունդ ապրեին տարրական ու միջնակարգ կրթօջախներ, երաժշտական ու թատերական խմբեր, մատենադարան, ազգային ու ազգագրական թանգարաններ, հանրային գրադարաններ եւ այլ հաստատություններ: Նախեսառաջ հարկավոր էր ազգայնացնել ու հայացնել երկիրը: Հայերենը ոչ միայն հռչակվեց պետական լեզու, այլեւ հայերենի կատարյալ տիրապետումը դարձավ պետականորեն պարտադրվող անհրաժեշտություն: Նախարարն ինքը մշակեց հանրապետության պաշտոնական համար «հայոց լեզվի դասընթացների» ծրագիրը: Դասընթացները գործում էին Երեւանում եւ Ալեքսանդրապոլում:

Ամենամեծ ուշադրությունը սեւեռված եւ ամենամեծ հոգսն ընկած էին դպրոցների վրա, որոնք գտնվում էին քայքայված ու խաթարված վիճակում: Նախարար Ն. Աղբալյանն օրնիրում զբաղված էր դպրոցների վերանորոգման եւ մոր կրթօջախների հիմնադրման հարցերով. ընդ որում՝ ոչ միայն Հայաստանում:

Անհրաժեշտ էր լուծել նաեւ Վրաստանում եւ Ադրբեջանում գտնվող հայկական

դպրոցների գոյատեւման խնդիրը, քանզի անկախանալուց հետո այդ հանրապետություններում հայկական դպրոցները զրկված էին պետական որեւէ աջակցությունից: Ն. Աղբալյան նախարարին մեծապես զբաղեցնում էին նաեւ գրականության եւ գրական գործի կազմակերպման հարցերը:

Ինքը ժամանակին մասնակցել էր Հովհ. Թումանյանի գլխավորած «Վերնատան» աշխատանքներին: Այժմ Երեւանում հիմնում է Հայաստանի գրական ընկերությունը, որի աշխատանքներին եւս գործուն դերակատարություն է ունենում: Հենց այս ընկերության հանդիսավոր նիստի ժամանակ գրականագետ ու գրաքննադատ նախարարը, ի լուր համայն հայ աշխարհի, հայտնում է մի նոր մեծ բանաստեղծի՝ Եղիշե Չարենցի հայտնության մասին. «Այդ օրն ամբողջ Երեւանն իմացավ, որ մեծ բանաստեղծ է ծնվել»:

Նախարարի կյանքում ամենահիշարժան իրադարձությունը եղավ 1920 թ. հունվարի 31-ին, երբ հանդիսավոր պայմաններում բացվեց Հայաստանի համալսարանը: Միջնադարում բարձրակարգ կրթօջախներ հիմնած հայ ժողովուրդն Ի դարում պիտի ունենար իր համալսարանը եւ ունեցավ:

Բազմաթիվ մտահոգություններ եւ արդեն մշակված ծրագրեր կային, որոնք այդպես էլ մնացին թղթի վրա՝ չիրագործված:

Պատճառը երկրում ներքաղաքական լարված վիճակն էր, որն արհեստականորեն սրում էին քեմալական Թուրքիան եւ բոլշևիկյան Ռուսաստանը: 1920 թ. գարնանը բռնկվեց մայիսյան ապստամբությունը: Նախարարության բնականոն գործունեության ընթացքը խաթարվեց, իսկ Ն. Աղբալյանը մեկնեց Կարս: Նրա հռետորական բացառիկ խանձարի եւ կազմակերպչական ձիրքի շնորհիվ Կարսում արյունահեղություն չեղավ մայիսյան այդ օրերին: Մի քանի ամիս անց Հայաստանն արդեն պիտի դառնար խորհրդային, եւ երկրում սկսվեին քաղաքական հետապնդումները:

1921 թ. գարնանը, երբ պարզ էր փետրվարյան ապստամբության վախճանը, Ն. Աղբալյանը, Լ. Շանթը եւ այլ գիմակից ընկերներ ստիպված էին թողնել հայրենի երկրի սահմանները: Բոլշևիկյան բռնապետությունը երկարատեւ էր լինելու եւ մանավանդ անողոք՝ հակառակորդների նկատմամբ:

Երբեմնի նախարարը դարձավ քաղաքական վտարանդի, սկզբում անցավ Թեհրան, հետո՝ Եգիպտոս (Ալեքսանդրիա), ապա վերջնականորեն հանգրվանեց Բեյրութում:

Մեծ ու անգնահատելի է նրա գործունեության կարեւորությունը Սփյուռքում մոր սերունդների հայեցի կրթության եւ դաստիարակության տեսանկյունից: Այնտեղ եւս շարունակեց մանկավարժական ու հայագիտական գործունեությունը, գրեց արժեքավոր մորամոր հոդվածներ եւ ուսումնասիրություններ, հրապարակեց գրքեր:

Եվ միշտ հայացքը հառած պահեց երկրի՝ Հայաստանի վրա: Միշտ երագեց տուն դառնալու մասին եւ այդ ոգով խանդավառեց դրսում ապրող հայերին: Եվ մշտապես դառն ապրումներ ունեցավ Արեւմտյան Հայաստանի կորստի համար:

Պատմություն կերտած եւ պատմության էջերում իր մնայուն տեղը վաստակած հայորդին վախճանվեց 1947 թ. Բեյրութում:

Նրա ոգին այժմ ազատորեն սավառնում է հայրենի երկրի լեռների կատարներին, որի անկախ ու ազատ գալիքը կերտելուն նվիրեց իր կյանքն ամբողջությամբ եւ ամենացորդ:

Արմեն ԿԱՐԱՊԵՏՅԱՆ
Պատմական գիտ. թեկնածու

Մեր վարդագույն բարեկամը

Սկիզբը՝ թիվ 13

Ուտեղից են մեր երկիր գալիս սարյակ-ները:

Վ. Անանյանը որոշ վերապահումով նշում է Միջագետքը եւ Արաքսյան թերակղզին: Այստեղ անհրաժեշտ է հավելել նաեւ Հնդկաստանը, քանի որ 1970-ականի կեսերին Հայաստանի լրատվամիջոցներով հրապարակվեց «Վարդագույն սարյակի ճակատագիրը» լուրը, որի «հերոսը» Արտաշատում խփված օղակավորված սարյակն էր: Օղակի նշագրման վերծանումից պարզվեց, որ այն գիտական նպատակով արվել է Հնդկաստանում՝ որոշելու համար թռչնի միգրացիան՝ տեղաշարժերը, աշխարհագրական վայրերը:

Արագածի հարավային լանջերից Արարատյան դաշտով, Վայոց ձորով, Սյունիքով մինչեւ Նախիջեւան եւ Մեղրի՝ գրեթե ամենուր կարելի է հանդիպել վարդագույն սարյակի: Նկատված է, որ դրանք մեզ մոտ բնակվում են գաղութներով՝ ապրիլի վերջերից մինչեւ օգոստոսի սկիզբը: Կերպական տարիներին առավել երկար են մնում. այնքան, քանի դեռ չեն լրացրել հետդարձին անհրաժեշտ «վառելանյութը»՝ ճարպի պաշարը:

Սարյակների ձվադրավայրերից ամենախոշորը տեսել են Արա լեռան ուտքում, Աշտարակի տարածաշրջանի Արտաշավան, Ուշի, Ուջան, Կոշ, Արուն գյուղերի շրջակայքի լեռնատափաստանային գոտում, իսկ առանձին տարիների՝ Էջմիածնի Փարաքար, Մերձավան, Այգեկ, Բաղրամյան, Աշտարակի Սասունիկ բնակավայրերի միջեւ ընկած տափարակում: Այստեղ մորեխի զգալի կուտակումներ են լինում, իսկ որտեղ մորեխ, այնտեղ էլ սարյակը: Մեկուորացված, օգտագործելի դարձրած այս տափաստանում՝ հուռթի այգիների կողքին, տեղ-տեղ հսկայական քարաբլուրակներ են առաջացել, որտեղ են ձվադրում, ճուտ են հանում սարյակները: Ձագ են ունենում կերի «շտեմարանին» մոտ (ինչպես մարդիկ գործարանը կառուցում են հույճի բազային մոտ): Թռչունները ոչ մեծ խմբերով իջնում են խաղողի այգիները, եռանդուն ջարդում մորեխը եւ այնքան տարվում սիրած գործով, որ թվում է՝ երբեմն են միայն հիշում ծնողական իրենց պարտականությունների մասին: Երանից առանձինները զատվում եւ կտուցներին մորեխ առած՝ ուղղվում են դեպի քարակույտերի մեջ գտնվող պարզ, բացօթյա բները: Այս մույն պահին էլ շրջակա գյուղերի տնամերձ այգիներից մեկ-երկու



թուփ «թռքած»՝ գալիս են ուրիշ սարյակներ (հնարավոր է՝ դրանք ծնող զույգերի մյուս մասն են): Ակնբախ է, որ կերակրող ծնողները ճշտորեն պահում են ճտերին տրվող կենդանական (մորեխ) եւ բուսական (թուփ) սննդի հերթագայությունը: Եվ քանի որ երկու ծնողներն էլ թուխս են մտնում (ի տարբերություն շատ այլ թռչունների), երկուսն էլ ջանադրաբար կերակրում, մեծացնում են իրենց սիրատուն ձագուկներին:

Կենդանաբանները նկատել են, որ ձագերին մեծացնելու շրջանում մեկ սարյակն օրական ուտում է ավելի քան 300 գրամ մորեխ ու միջատ, որը 4–5 անգամ գերազանցում է թռչնի սեփական քաշը:

Ճտերին կերակրելու շրջանում, նկատել են, սարյակներն անծպտում (ասել է թե՛ առանց երգ ու ծվլոցի) եւ գողունի մտնում են տնամերձ այգիները, եւ եթե անվտանգ է տեղը, ամեն օր մույն թռչունները, վաղ առավոտից մինչեւ մթնշաղ, մեկիկ-մեկիկ պոկոտում, իսկ երբեմն էլ գետնի վրայից հավաքում են կիսաշոր քաղցր պտուղները եւ մույն «երթուղով» աճապարում «տուն»: Նրանք այնպես են մաքրագործում թթմու ծառերը, որ շատերին թվում է, թե պտուղների հասունացումը 3–4 օրով հետ է ընկել:

Հուլիսի առաջին օրերին օդը միանգամից լցվում է նորափետուր, փոքր ինչ սեփն տվող դեղնակտուց ճտերի զիլ ու կայտառ ձայներով (ի դեպ՝ մինչեւ մեր երկրից չվելը՝ ճուտիկները դեռ ոչ մի վարդագույն փետուր չեն ունենում): Ծնողները մեծագույն հոգածությամբ են թեւեր առած իրենց ձագուկներին վարժական թռիչքների հանում, դրանց իջեցնում ծառերին եւ ուսուցանում

թուփ պոկելու «կանոնները»: Հրացանավորի, այգետիրոջը կամ կասկածելի շարժումներով այլ մարդու նկատելիս՝ աշալուրջ ծնողները տագնապի ճիչ-ազդանշան են արձակում, եւ երանք աղմուկով օդ է բարձրանում: Գրեթե ամբողջ հուլիսին տարմա-հավերը համերգում են, ամբողջ ձայնով ճռվողում, անհոգ կեցության խնդությունը ներբողում անվերջ: Սակայն բերկրանքի այդ վեհ պահին երգը բիրտորեն ընդհատում է որսագողի հրացանի որոտը: Երանք... զոհեր տալով... թռչում է այլ վայր:

Թռչուններին փախցնելու, հեռացնելու համար հաճախ կրակում են հենց այգետերերը: Հայ մեծ վիպասան Ռաֆֆին Պարսկաստանում ակամատես է եղել այգեպանների եւ նրանց աճեցրած պտուղների խժռող աներես սարյակների «հակամարտությանը»: Իր դիտարկումները բավականին խիստ է արտահայտել պրոֆ. Պարրոտը. «Թուփը հասնելիս [սարյակները] գալիս են անհամար քանակությամբ եւ ջարդում փչացնում են պտուղները՝ անչափ վնաս բերելով երկրին»:

Այո, սարյակների արշավն այգիների վրա անառարկելի իրողություն է, ուստի եւ մեր բարեկամ վարդագույն կողոպտիչի նկատմամբ առկա է երկակի վերաբերմունք. առաջինը՝ պաշտամունքի հասնելու չափ մեծարանքն է՝ իբրեւ մորեխասպանի եւ փրկարարի, երկրորդը՝ իբրեւ մարդու աշխատանքի պտուղները կողոպտողի աստիճանի իջած...:

Սակայն երկրորդի համար պատասխանատու ենք մենք, որ արմատախիլ արեցինք թթմիները: Մարդու սխալ, չկշռադատված միջամտությունը բնությանը միշտ

էլ կարող է խախտել դարերով, հազարամյակներով արմատացած բնական ներդաշնակությունը:

Ինչեւէ, արդեն քանիցս համոզվեցինք, որ իբրեւ բնական-կենսաբանական պայքարի միջոց՝ մարդկանց ահավոր վնաս բերող մորեխը ոչնչացնելու գործում անգնահատելի, պարզապես անփոխարինելի է վարդագույն սարյակը, որի համար կարելի է եւ մեծահոգաբար ներել նրա... «ավազակությունները»: Թող նրանք էլ ազատորեն օգտվեն Աստծու առատ սեղանից...

Իսկ ինչպե՞ս գործնականում փրկենք մեր վարդագույն բարեկամներին: Ահավասիկ գործնական, շահավետ եւ հեռանկարային առաջարկություն. կարծում եմ՝ մեզանում, անշուշտ, կլինեն բնությունը, կենդանական աշխարհը սիրող, նաեւ իրենց շահը լավ գիտակցող գործարարներ, որոնց սեփական գումարով կամ թռչունների, կենդանիների եւ ընդհանրապես բնապահպանության հարցերով զբաղվող միջազգային կազմակերպությունների դրամական օժանդակությամբ հնարավոր կլինի Հայաստանի Հանրապետությունում մոր, ընդարձակ թթաստամներ հիմնել:

Դա շատ կարելի է գործ կլինի, որով հիանալիորեն կարելի է ամենաուղղակի իմաստով զուգակցել օգտակարն ու շահավետը: Թթաստամները հնարավորություն կտան վերստին ունենալու թանկարժեք բնական մետաքսի արտադրություն, ստանալու բուժական հատկություններ ունեցող թթի օղի եւ, իհարկե, անմահական դեղամիջոց թթի դոշաբ ու չամիչ, բնափայտ եւ այլն: Եվ այս ամեն օգտակարի հետ մաեւ ամենազգալի վորը՝ վարդագույն սարյակների համար կերի հուսալի պաշար ստեղծել, հետեւապես դրանով մեծապես նպաստել այդ թռչնատեսակի գոյատևմանը, վերականգնել օգտակար, մարդու բարեկամ թռչնի երբեմնի առատությունը եւ բնությունը, մանավանդ գյուղատնտեսությունը զերծ պահել չարահետ մորեխի ավերածություններից:


Թթմին կենսունակ ծառատեսակ է, ուստի մոր թթաստամների հիմնումով կարելի է աչք շոյող կանաչով ծածկել Արարատյան հովտի շրջակա (եւ ոչ միայն) գորշ ու լերկ լեռնալանջերը՝ ստանալով նաեւ հրաշալի այլ օգուտներ:

Որպես վերջաբան՝ հիշատակենք Հարպեր Լիի «Սարեակ մի սպանաներ» գրքի խոսում վերնագիրն իբրեւ հորդոր:

Այո, ով մարդ, սարյակ մի սպանիր:

Սերժ ՄԱՆՈՒԿՅԱՆ

Նաբուքոդոնոսորն ու անհավանական թվացող մի պատմական փաստ



← էջ 4

Թագավոր-շինարարը, որը Բաբելոնը դարձրել էր աշխարհի ամենագեղեցիկ քաղաքը, ոչ միայն մոր շինություններ չէր խոյացնում, այլ նաեւ պատշաճ կերպով արդեն իսկ կառուցածների պահպանության հոգը չէր տանում:

Արդ, ի՞նչ տեղի ունեցավ այդժամ Բաբելոնի հետ, իսկ գլխավորը՝ ինչո՞ւ Նաբուքոդոնոսորն այնքա զոհեր չէր մատուցում ու չէր աղոթում գերագույն դիք Մարդուքին: Այս փաստը պարզապես ցնցեց այդ բնագիրը վերծանող գիտնականներին: Չէ՞ որ այդ, ինչպես եւ ուշ ժամանակներում հեթանոսական կուռքերի պաշտամունքը պարտադիր էր Բաբելոնի թագավորության յուրաքանչյուր բնակչի համար, այդ թվում նաեւ՝ թագավորի: Ամեն ոք, ով պատշաճ կերպով չէր մեծարում կուռքերին, ենթարկվում էր խստագույն պատժի:

Կավե սալիկների բնագրերը գիտնականների առջեւ բավական խրթին հարց ծառացրին. ինչո՞ւ ապաքինված Նաբուքոդոնոսորը ոչ միայն չկարգադրեց վերացնել այդ բնագրերը պարունակող կավե սալիկները, որոնցում հիշատակվում էր իր հիվանդությունը, այլեւ մույնիսկ հենց ինքն էլ այդ մասին հայտնում է գալիք սերունդներին:

Հավատացյալ հնագետների համար աստ որեւէ տարօրինակ բան էլ չկա. չէ՞ որ դա վկայում է այն մասին, որ Աստված խոնարհեցրել էր Նաբուքոդոնոսորին եւ նրա չափմանը մեծամտությունը: Սուրբ Գրքի վկայության համաձայն՝ արքան հրաշքով ապաքինվելուց հետո հրամայեց հավերժացնել իր հետ տեղի ունեցածը՝ ի խրատ գալիք սերունդների: Որպեսզի բոլորը՝ մեծերն ու փոքրերը, իմանան, որ Աստված կա եւ կարող է խոնարհեցնել բոլոր նրանց, ովքեր կիպարտանան:

Ոչ պակաս ուշագրավ մի համագամք եւս. այն ժամանակ տիրող բոլոր օրենքների եւ սովորույթների համաձայն՝ ցավազար արքային կամ պետք է սպանեին, կամ գահընկեց անեին: Բայց այդ բանը չարվեց: Այդ հիվանդության, դրա ժամկետի եւ բժշկման մասին կանխասացությունները հայտնել էր Դանիել մարգարեն, ինչը նշանակում է, որ այդ իրավիճակը, ըստ ամենայնի, Աստծու վերահսկողության ներքո էր գտնվում: Այլ կերպ ասած՝ Նաբուքոդոնոսորի ճակատագիրն էր ձեռքում եւ պահում Ինքը՝ Տերը:

Ռուսերենից թարգմանությունը՝
Գրիգոր ԴԱՐԲԻՆՅԱՆԻ



Դարավոր պայքար

← էջ 4, 5

Հայերը պարտավոր էին կատարել նրանց կամքն ու ցանկությունը, ստրկորեն ծառայել: Մինչդեռ նյութական միջոցները շատ սուղ էին, քանի որ քոչվոր սելջուկները բերրի դաշտավայրերը դարձրին արոտավայրեր, եւ ուժասպառ հայ գյուղացին հազիվ էր քարշ տալիս իր գոյությունը: Հայաստանում մտցվեց սելջուկյան ռազմաֆեոդալական հողատիրության համակարգը, որով հո-

ղը՝ իր բնակչությամբ, դառնում էր տիրակալի սեփականությունը: Տիրակալներ էին սելջուկյան սուլթանը, նրա ընտանիքի անդամները, մելիքները, ամիրաները եւ այլ պաշտոնյաներ: Տարածված էր իկթան, երբ բաժնեկալվածքներ էին տրվում զինվորականներին: Դա կատարվում էր նվաճված հողերի հաշվին, որոնց նախկին տերերը կամ ոչնչացված էին, կամ արտաքսված, գաղթեցված: Սելջուկներն այդպես վարվե-

ցին ֆեոդալների հետ, ինչը հաստատվում է նաեւ ժամանակակիցների վկայությամբ. «Իշխանները զրկվեցին իրենց հայրենի ժառանգությունից ու պանդխտեցին օտար երկիր. գավառներն ավերվեցին ու կողոպտվեցին... ավանները դարձան գազանների բնակավայր, իսկ նրանց անդաստանները՝ երեւների արոտատեղի»: Սելջուկ-թուրքերն այդպես վարվեցին նաեւ հայ եղեկեցական կալվածքների հետ, բայց հետո մեղմացրին իրենց վերաբերմունքը, որպեսզի սիրաշահեն հողերակառնությամբ եւ ամրապնդեն իրենց դիրքերը: Որոշ հայ իշխաններ վերականգնեցին իրենց հողատիրության իրավունքը, բայց նրանք պարտավոր էին հարկ վճարել սուլթանին կամ իկթադար՝ մելիքին. ցանկացած ժամանակ նրանք կարող էին զրկվել ամեն ինչից:

Բոլորովին անտանելի էր գյուղացիների վիճակը: Նրանք կոչվում էին «ռեայա» կամ «ռայաթ»: Հայ գյուղացիների մեծ մասը հողագուրկ էր եւ դառնում էր վարձակալ հողագործ՝ կախված ֆեոդալից, իսկ մյուս մասը մամր հողատեր էր: Նրանք տերերին տալիս էին հողային ռենտա, խարաջ կամ ջիզյա (զլխահարկ), եկեղեցական եւ այլ հարկեր ու տուրքեր: Գրիգոր Դ Տղա կաթողիկոսը (1173–1193 թթ.), նկարագրելով թափառական հայերի ծանր վիճակը, գրել է. «Նեղեալ եւ զզուեալ են ի հարկապահանջ բռնակալացն եւ կարօտին միայն աւուրն պարենի»:

Քաղաքային բնակչությունը եւս՝ մասնա-

վորապես արհեստավորները, բանջարավաճառները, նպարավաճառները եւ այլք, տառապում էր ծանր հարկերի ու տուրքերի տակ: Ռավենդին շեշտել է, որ սելջուկները թալանչիներ են, որոնք բացի սահմանված հարկերից՝ բնակչությունից զանձում էին տուրքեր հագուստի, զինու, զենքի, պայտի եւ այլնի համար: Այդ ամենին գումարվում էին նրանց կամայականություններն ու բռնությունները, ամեն տեղ սողոսկելու եւ կողոպտելու մոլուցքը: Արաբախոս Նեսեփն (ԺԳ դարի հեղինակ) նշել է, որ թուրքերը տարածվում էին ինչպես մորեխ, ծածկում դաշտերը, լեռները, բոլոր բաց տարածությունները եւ ծծում եղած հյութերը: Չկար անձի եւ զույքի ապահովություն: Կատարյալ պատուհաս էր գերեվարությունը, որն ուղեկցվում էր ստրկավաճառությամբ, մարդկանց ոչնչացմամբ, գանակոծությամբ: Գերիներին աշխատեցնում էին որպես ստրուկներ տներում, կալվածքներում, ճանապարհաշինության համար, հանքերում եւ այլուր: Գերիների մի մասին էլ շահագործում էին ռազմական ջոկատներում:

Սելջուկյան արշավանքներն ու տիրապետությունը Հայաստանում ավերիչ եւ կործանարար էին: Խաշմարած ու քոչվոր սելջուկ-թուրքերը խոշտանգում էին հայ ժողովրդին, հետ մղում նրա տնտեսական եւ մշակութային առաջընթացը:

Շարունակելի

ԱՆՈՒՅ ԱՐԱՍԱՐՅԱՆ

✝ ՀԵՏԱԶՐԵՐԻ ՓԱՍՏԵՐ

Աստվածաշունչը բարձունքի մասին

Բարձունքների վերաբերյալ պահպանվել եւ մեզ են հասել տարաբնույթ ավանդազրույցներ, հեքիաթներ, ասքեր:

Վավերագրական տեղեկությունների համաձայն՝ հնագույն բազմաթիվ ազգեր, ինչպես օրինակ՝ քանաճագիները, երկնային մարմիններին երկրպագում էին բարձունքի՝ բլուրների կամ լեռների վրա: Հայտնի է նաեւ, որ ֆետիշիզմի եւ տոտեմիզմի տարածման շրջանում կուռքերը հիմնականում կանգնեցվում էին բարձրադիր վայրերում:

Հին կտակարանում եւս վկայություններ են առկա բարձունքների, բարձրադիր վայրերի վերաբերյալ: Այսպես՝ Աստված իսրայելացիներին պատվիրում է ոչնչացնել կռապաշտական այս վայրերը. «Ոչնչացրե՛ք բարձր լեռների, բլուրների վրա ու վարսավոր ծառերի տակ գտնվող բոլոր վայրերը, ուր մյուս ազգերը պաշտել են իրենց կուռքերին, եւ որոնց դուք պիտի տիրանաք: Քարոքանդ արե՛ք նրանց բազմունքները, ջարդուփշո՛ւր արե՛ք նրանց կոթողները, խորտակե՛ք նրանց հուշայուները եւ կրակի մատուցե՛ք նրանց տաշածո կուռքերը» (Բ Օր. ԺԲ 2): Սակայն վերջիններս չեն հնազանդվում, չեն կատարում տիրավանդ այս պատվիրանն ու նմանվում են հեթանոսներին:

Աստվածաշունչ մատյանը վկայում է նաեւ, որ իսրայելացիները Տիրոջը հաճախ երկրպագում էին բարձրադիր վայրերում (տե՛ս Ա Թագ. Թ 12, Գ Թագ. Գ 4): Հինկտակարանյան որոշ հատվածների համաձայն՝ Իսրայելի արքաները բարձունքի վրա մեհյաններ էին կառուցում հեթանոսական կուռքերի երկրպագության համար (տե՛ս Դ Թագ. ԺԵ 10–11). «Այն ժամանակ Սողոմոնը երուսաղեմի դիմաց՝ լեռան վրա, մի մեհյան կառուցեց մովաբացիների կուռք Քամոսի համար...» (Գ Թագ. ԺԱ 7): Բարձունքի վրա կառուցված մեհյանները կոչվում էին «բարձրադիր կռատներ» (տե՛ս Գ Թագ. ԺԳ 32, Դ Թագ. ԺԵ 29): Դրանք ունեին իրենց քուրմը (տե՛ս Դ Թագ. ԺԵ 32). «Հերոբոամը տոն կատարեց, ութերորդ ամսի տասնհինգերորդ օրը տոնական օր սահմանեց... Նա Բեթելում կառուցած մեհյանում քրմեր նշանակեց...» (Գ Թագ. ԺԲ 32):

Ըստ հինկտակարանյան հատվածների՝ անտառներն անգամ նվիրված էին հեթանոսական այս կամ այն չաստծուն (տե՛ս ԾՄՈՂ. ԻԱ 33), իսկ բարձունքները կռապաշտության վայրեր էին (Դ Թագ. ԺԳ 15): Ահա այս էր պատճառը, որ երկնային Հայրը իս-



րայելացիներին պատվիրում է տոներն ու զոհաբերությունները միայն երուսաղեմում՝ Իր տաճարում կատարել, որ ճշմարիտ եւ կենդանի միակ Աստծու ժողովուրդը գայթակղության մեջ չընկնի, այլ միաձայն վկայի կռապաշտության դեմ:

Մարգարեները հանդիմանում էին իսրայելացիներին՝ բարձունքների վրա կռապաշտարաններ կառուցելու համար, մանավանդ որ Աստված պատվիրել էր կործանել, ոչնչացնել դրանք: Այսպես՝ Ովսե մարգարեն ասում է. «Լեռների գլխին զոհ էին մատուցում եւ բլուրների վրա ողջակեզ էին անում կաղնիների, կաղամախիների եւ սաղարթախիտ ծառերի տակ...» (Դ 13):

Թեւեթ Իսրայելի թագավորները հիմնականում մախանձախնդրորեն հետեւում էին Օրենքի պահպանմանը, սակայն Սուրբ Գրքում հիշատակվում են քչերը, որոնք իրագործում են Աստծու պատվիրանը եւ կործանում կռապաշտարանները:

Բարձունքները հիշատակվում են նաեւ դրական մշանակությամբ:

Հին կտակարանում խոսվում է Թաբոր լեռան մասին, որը գտնվում էր Գալիլեայում՝ Իսրայելի դաշտից հյուսիս-արեւելք: Այս լեռը կոմածեւ էր, անտառային: Ըստ Ա Մնացորդաց գրքի՝ հնում Թաբոր լեռան վրա ամուր քաղաք է եղել. գազաթին դե-

ռեւս պահպանվել են հին պարսպի ավերակները:

Աստված տասնաբանյա պատվիրանները Մովսեսին հայտնում է բարձունքի՝ Սինա լեռան վրա (տե՛ս Ելք ԺԹ, Ի):

Նոր կտակարանում եւս բազմաթիվ հատվածներ կան, որտեղ հիշատակվում է բարձրադիր այս կամ այն վայրը: Մատթեոսի ավետարանում նկարագրվում է, թե ինչպես Աստծու Որդին բարձրացավ լեռան վրա (անունը չի հիշատակվում), եւ Նրա շուրջը հավաքվեցին աշակերտներն ու ժողովրդի բազմությունը. Քրիստոս սկսեց ուսուցանել եւ քարոզել նրանց («Լեռան քարոզը», է 1–11):

Բարձր լեռան մասին վկայություն կա նաեւ Հիսուսի պայծառակերպության դրվագում. «Վեց օր հետո Հիսուս Իր հետ վերցրեց Պետրոսին, Հակոբոսին եւ Հովհաննեսին ու առանձին նրանց հանեց մի բարձր լեռան վրա եւ նրանց առաջ պայծառակերպվեց» (Մարկ. Թ 1): Ըստ ավետարանական ավանդության՝ խոսքն այստեղ Թաբոր լեռան մասին է:

Մեր Տեր Հիսուս Քրիստոսի խաչելության վայրը՝ Գազաթը, երբայերեն՝ Գողգոթան, ոչ շատ բարձր բլուր էր եւ գտնվում էր երուսաղեմի պարիսպներից դուրս՝ դեպի հյուսիս-արեւմուտք (տե՛ս Հովի. ԺԹ 17–18):

Սուրբ Գրքում վկայություններ կան նաեւ

Ձիթենյաց լեռան մասին (Բ Թագ. ԺԵ 30, Դ Թագ. ԻԳ 13, Եզեկ. ԺԱ 23, Չաք. ԺԴ 4, Դուկ. ԺԹ 29, ԼԵ, ԽԱ–ԽԴ, ԻԱ 37). այն ունի մոտ 830 մ բարձրություն, գտնվում է Երուսաղեմ քաղաքի արեւելյան կողմում՝ Կեդրոն գետի ափին, հնում պատված է եղել ձիթենու ծառերով: Գեթսեմանիի պարտեզը, որտեղ Հիսուս աղոթեց մատնությունից եւ ձերբակալությունից առաջ, Ձիթենյաց լեռան լանջին էր գտնվում (տե՛ս Դուկ. ԻԲ 39): Աստվածաշունչի համաձայն՝ Հիսուս Քրիստոս երկինք համբարձվեց Ձիթենյաց լեռան վրայից (Գործք. Ա 9–12):

Արփինե ՉԱՆԹԻԿՅԱՆ

ԵԿԵՂԵՅԱԿԱՆ ՏՈՒՆԵՐ

ՕԳՈՍՏՈՍ

† Տոն Շողակաթի Ս. Էջմիածնի՝ ըստ Սուրբ Գրիգոր Լուսավորչի տեսիլքի – օգոստոսի 12

† Տոն Սուրբ Աստվածածնի վերափոխման – օգոստոսի 13

ՔՐԻՍՏՈՆՅԱ ՔԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան» թերթի խմբագրություն

Գլխավոր խմբագիր՝

Արփինե Չանթիկյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝

qristonyahayastan1@gmail.com

qristhay@etchmiadzin.am

web կայք՝

krishayas.wordpress.com

etchmiadzinlibrary.am/en/kristonya-hayastan

Ստոր. տպագր. 1.08.2023 թ.

Տպաքանակը՝ 1265